

საბჭოთა
1927

საბჭოთა



ს.ბ.

შ ი ნ ა ა რ ს ი.

	33•
1. მუშების დახურეცა—შანის	2
2. მებრძოლი ჩინეთი—ლექსი—გ. რობიტაშვილის	3
3. ლენა—ს. ერთაწმინდელის	4
4. სოფლის წურბელა - ი. კის	6
5. გაზაფხული სოფლად—ლექსი—შ. კუჭავას	9
6. მიწის წიაღში—ა. კს.	10
7. სრულიად საქართველოს საბჭოთა მე-IV ყრილობა—შე -ლის	13
8. ჩვენი ძმები ისოფლიოში	14
9. როგორ მუშაობს აწარმოებს პიონერ—კოლექტივი ოქტომბრელთა ჯგუფში—ტანის	15
10. ჩვენი ცხოვრება	17
11. მეცნიერება და ტენიკა	18
12. ბოსტნის მოწყობა—მ. არველაძის	19
13. რადიო	20
14. მეცნიერება და სარწმუნოებრივი დღესასწაული	22
15. ბავშთა შემოქმედება	23
16. თამაშობანი	24

329.153 (05)

88



მუშათა კლასის საქმიანების იყავ მზადს

პ-47.


პ ი ო ნ ე რ ი



1927
15 აპრილი


განათლების სასკოლო კომისიისთვის სტენოგრაფიული აღზრდის მთავარმა-თავადად და საცაბოთადად მ. კ. თ. ცენტრალური მიერთის (საქ. ა. ლ. კომისიისთვის) შექმნილი მასალებისათვის

წელიწადი II
№ 7



ამხ. ვ. მახარაია

სრულიად საქართველოს საბჭოთა მე-IV ყრილობაზე კვლავ იქნა არჩეული ცენტრალური აღმასრულებელი კომიტეტის თავმჯდომარედ.



ამხ. ვ. ულიავა

სრულიად საქართველოს საბჭოთა მე-IV ყრილობაზე კვლავ იქნა არჩეული სახალხო კომისართა საბჭოს თავმჯდომარედ.

მუშაობის დახმარება.

შორეული ციმბირის ტაიგაში, რომელიც საქართველოდან რამოდენიმე ათასი ვერსით არის დაშორებული, ოქროს მადნის რაიონია ასევე ვერსზე გადაჭიმული. ოქტომბრის რევოლუციამდე ეს ადგილები ბურჟუების და მემამულეების სრულ საკუთრებას წარმოადგენდა. ძალა-უფლების ყველა დანაშაულები: პოლიცია, სამხედრო მართებლობა, სასამართლო და სხვა ყველაფერი მადნეულობის პატრონების ხელში იყო.

ამ მალაროების მფლობელმა ბურჟუა-მემამულეებმა რუსეთის სახელმწიფოში შექმნეს მეორე თავისი სახელმწიფო, დამოუკიდებელი ხელისუფლება, რომელიც შეუბრალებლად სჩაგრავდა, ტყავს აძრობდა მალაროებში მომუშავე მუშებს. მათ ამ საქმეში მეფის მთავრობაც დიდად ეხმარებოდა და ხელს უწყობდა.

აქ მუშებს უხდებოდათ მძიმე სამუშაოზე ყოფნა 12-14-16 საათის განმავლობაში, ულუფას კი ძალიან მცირეს იღებდნენ, რაც ვერც კი აკმაყოფილებდა მუშების უპირველესი საჭიროების მოთხოვნებს.

მაგრამ ესეც არ იკმარეს ლენის მადნების პატრონ-პატრონებმა. ისინი თანდათან უფრო და უფრო აუარესებდნენ მუშების მდგომარეობას, მათ ცხოვრებას: ხელფასს უკლებდნენ, ჯარიმებს ამრავლებდნენ, სანოვაგეს ფასებს უმატებდნენ, ანგარიშში ატყუებდნენ, მუშათა ბინების და მალაროებში მუშაობის პირობების მოწესრიგებაზე სრულიად არ ფიქრობდნენ და სხვა.

ასეთ აუტანელ პირობებში მყოფმა მუშებმა გაფიცვა გამოაცხადეს. ამ გაფიცვის უშუალო საბაბი შეიქნა ის, რომ ერთ-ერთ მუშას მისცეს ათი გირვანქა ხორცი, რომელშიაც ცხენის ასო აღმოჩნდა. ამ ფაქტს, რომელმაც დაჩრდილა ყველა წარსული დანაშაულები შეურაცხყოფა, ადგილი ჰქონდა 1912 წლის 25 თებერვალს.

შევედლოთ თუ არა მალაროების მფლობელების ამ საზიზღარი საქციელის მოთმენა ლენის მუშებს? რასაკვირველია, არა!..

ცნობა ამ „კარგი ხარისხის“ ხორცის მიცემაზე ელვის სისწრაფით მოედვა მალაროების მუშებს. ლენის მალაროს მუშების მოთმინების ფიალა აივსო.

29 თებერვალს მუშები არ გამოვიდნენ სამუშაოზე და ამავე დროს შემდეგი მოთხოვნა წარუდგინეს მალაროების მფლობელებს:

- 1) მომავალში კარგი ხარისხის ხორცის მოცემა და 2) სამხარეულოს უფროსის დაუყოვნებლივ დათხოვნა.

ამ მოთხოვნებს შემდეგ სხვა მოთხოვნებიც მოჰყვა. მაგალითად:

- 1) რვა საათის სამუშაო დღის შემოღება, 2) ხელფასის გადიდება, 3) ჯარიმების გაუქმება, 4) ზრუნვა მუშათა ექიმობაზე და სხვა.

მუშათა მიერ წარდგენილმა მოთხოვნებმა დიდად ააღელვა მალაროს პატრონები. მათ გადაწყვიტეს გაფიცული მუშების ძალით დამორჩილება. მათ მახლობელი ქალაქიდან (ირკუტსკიდან) გამოიწვიეს ჯარი.

ჯარის მოახლოებით გათამამებულმა მალაროს მფლობელებმა დააპატიმრეს მუშების მიერ მოსალაპარაკებლად გაგზავნილი მუშები.

4 (17) აპრილს ამ დაპატიმრების გამო მთელი მუშები გაემგზავრნენ პროკურორთან მოსალაპარაკებლად. ტყის ვიწრო გზით მიდიოდნენ ისინი. ამ დროს სრულიად უმიზეზოდ, ოფიცრის ბრძანებით, მუშებს სროლა აუტეხა ჯარმა. პირველსავე გასროლაზე უიარაღო მუშები მიწაზე გაწვივნენ, მაგრამ არც ამან უშველა მათ: ჯარისკაცებმა მწოლარეებს დაუშინეს ტყეები.

გათავდა ბრძოლა... და მინდორში დარჩა 270 მოკლული და 150 დაჭრილი მუშა. დაჭრილებს არავითარ დახმარებას არ უწევდნენ და ისინი ათობით იღუპებოდნენ..

როდესაც ეს მხეცური დახვრეტა გაიგო რუსეთის მუშათა კლასმა, მან ერთსულლოვანი გაფიცვა გამოაცხადა.

ლენის დღეებმა უდიდესი როლი ითამაშა რუსეთის მუშათა კლასის რევოლუციონურ მოძრაობაში: მან გამოათხიზლა ის მომავალი ბრძოლები-სათვის.

ლენის დღეები მოსამზადებელი საფეხური შეიქნა იმ დიდი მოძრაობისთვის, რომელსაც ოქტომბრის რევოლუცია ეწოდება.

ზანი.





მეზროლი ჩინეთი

ბარკადებად
 ვაღიშალა
 ჩინეთი დიდი,
 ცეცხლი დაენტო,
 ბრძოლის ცეცხლი
 ტყვია-წამალის;
 ზღვა ხალხმა ტანჯვას
 ვეღარ უძლო
 და ჩატყდა ხიდი,
 ხიდი მოთმენის,
 ქედმოდრეკის,
 მსგავსი სამარის...
 წითელი დროშა
 აფრიალდა
 დიდ აღმოსავლეთს,
 შეგუბებული
 გულის შფოთვა
 აგორდა ტალღად,
 ტალღად მრისხანედ,
 შეუპოვრად,
 გრივალ ქარიშხლად,
 რომელიც დაღეწს,
 აცამტვერებს
 დახავსულ მტარვალთ...
 და ახალ ჩინეთს
 ლურჯი ცით დღეს
 სხვა მზე დანათის;
 ვრცელ ზღვის ტალღებმა
 მას მიუძღვნა
 „ვაშა, დიდება“...
 ეს არ ასვენებს
 ძველ ბატონებს,
 მათ წარმოდგენა-
 დაღეწილ ბორკილთ
 მონობისას
 ვერ ეგუება...
 მაგრამ აწ კმარა:
 დროის ჩარხი
 შეტრიალდება,
 მათ ბატონობა
 ისტორიამ
 უნდ ასამაროს...
 შექმნილი ჩაგვრა
 მსოფლიოში
 გატიალდება
 და ალის დროშა
 ვადეშლება
 ახალ სამყაროს.



ბ. რობიჭაშვილი.



ლ ე ნ ა

— ეს იყო შორს, ციმბირის სულ მიყრუებულ მხარეში, ყანულოვანი ოკეანის ახლოს, იქ, სადაც ოქროს მალარობია მადნებით და მდინარე ლენა ჩამოდის...

უყვებოდა საბავშვო ბაღს ყველაზე ახალგაზრდა მასწავლებელი, ლენა, ბავშვებს რომლებიც დაიბარა დღეს საიქსკურსიოდ, რევოლუციის მუზეუმში წასაყენად, რადგანაც დღეს კვირა დღე იყო და მეცადინეობა არ სწარმოებდა...

— გვიამბე, გვამბე, მასწავლებელო... — არ ეშვებოდენ ბავშვები, რა ლენამ ლენის ამბებზე ჩამოუგდო ლაპარაკი, როგორც ყოველთვის იცოდა ხოლმე რევოლუციონური ამბების თქმა...

— მერე, მერე?

— მერე და ის, საყვარელი ბავშვებო, რომ, როგორც გითხარით, პატარა ვიყავი მაშინ, თქვენზე უფრო პატარა, და ბუნდოვანად მახსოვს ის საზარელი ამბავი, მხოლოდ დაწვრილებით დედამ მიაგებო...

— რა მოხდა, რა? — მოუთმენლობდენ ბავშვები...

— რა და, ახლავე გეტყვით... ეს იყო 1912 წელს, 4 აპრილს ძველი სტილით და ახლით კი 17, სწორედ დღევანდელ დღის, ჩემი დაბადების დღეს... ლენა ჩემი სამშობლო მხარეა, იქა ვარ დაბადებული. მამაჩემი გადასახლებული იყო იმ მხარეში, რევოლუციონური მოღვაწეობის გამო, და ლენის მალარობებში მუშაობდა უბრალო მუშად. ისიც სხვებთან ერთად დაეცა ამ დღეს ჟანდარმების ტყვიით განგმირული, და დედაჩემმა იმ დროის სახსოვრად ლენა დამარქვა...

ლაპარაკობდა ლენა და სახე ხან გაუნათლებოდა, ხან მოეღრუბლებოდა; მას გაახსენდა თავისი ბავშობა, როდესაც ის საზარელი ამბავი მოხდა, მამა დაიღუპა, ისინი გამოჰყარეს იქიდან და ორ წელს დედასთან ერთად ეხეტებოდა სოფლიდან სოფლად, ქალაქიდან ქალაქად. დედა მუშაობდა ხან სად და ხან სად, რომ ერჩინა თავისი თავი და ბავში, ვიდრე ერთ ზამთარს სარეცხის დროს არ გაცივდა და ლოგინად ჩაწვა, საიდანაც აღარ ამდგარა; ლენა დარჩა ობლად, უპატრონოდ; მაშინ ის ხანაგაში მიაბარეს მეზობლებმა, სადაც იზრდებოდა მაშინდელ საზარელ პირობებში, შემდეგ რევოლუციამ მოუხსწრო, დედის შორეული ნათესავი გამოუჩნდა, გამოიყვანა, სკოლაში მიაბარა, შემდეგ მასწავლებელთა კურსებზე შევიდა და გამოემგზავრა აქეთ, სამხრე-

თისკენ, სადაც უკვე ორი წელია მასწავლებლობს, უყვარს თავისი ხელობა, სამხრეთის მზე, ხალხი, ბავშვები და თავსა სდებს მათ სამსახურად; ძნელია მისთვის ყველა იმ საზარელი სურათის გახსენება, რაც მან მეფის მთავრობის დროს გამოიარა, მაგრამ ეს სევდა დაფარა რევოლუციის გამარჯვებამ, თავისუფლების მზის ამობრწყინებამ მშრომელთა განთიადზე... და იმიტომაც, რომ ის ბავშვებს რევოლუციონურ ამბებს უყვება ხოლმე უფრო ხშირად, ასწავლის, მტერთ შეუპოვარ შვილებად ზრდის, ამხადებს.

— იქ, ლენის მხარეში, დიდი ამბები მოხდა ამ თხუთმეტი წლის წინათ, რასაც ჩვენი რევოლუციის მსვლელობაში დიდი ამაგი მიუძღვის...

ჰო, იქ იყო ოქროს მადნები, სადაც დიდძალი ხალხი მუშაობდა; მადნები ეკუთვნოდა მდიდრების ერთ ერთ კომპანიას და მუშებს საძაგლად ეპყრობოდენ, კატორღულ პირობებში ამუშავებდენ და ხელფასს კი ცოტას აძლევდენ; მუშებს არ ჰყოფნიდათ ქირა, სიმშლით იხოცებოდენ, შიშვლები იყვნენ იმ აუტანელ სიცივეებში, და მოიხიზნებენ პირობების გაუმჯობესება, მალარობების პატრონებს თავისი არჩეული კაცები მიუგზავნენ თხოვნით, მაგრამ იმათ კი, საპასუხოდ, აიღეს და ყველანი დააპატიმრეს, ციხეში ჩასვეს; მთავრობაც მათ ეხმაბრებოდა ყოველმხრივ, რადგანაც დაინტერესებული იყო იმ ოქროთი, თითონაც წილი ერია და, ისე ხომ, საზოგადოათ, მთავრობა მდიდრებს შეველოდა ხოლმე და მუშებს კი ებრძოდა, ჭკერდა, ციხეში სვამდა, ბორძილებს ადებდა, სახრჩობელაზე აჰყავდა, ხვრეტდა... და, აი, როცა ეს ამბავი გაიგეს მუშებმა, რომ მათი არჩეულები დააპატიმრეს, შეიკრიბნენ ყველანი და გასწიეს იქით, რომ მოეთხოვათ თავისი არჩეულების განთავისუფლება, მაგრამ მათ შუაგზაშივე დაახვედრეს ჟანდარმები და ჯარი, რომელთაც მშვიდობიანად მიმავალ მუშებს, ტყეში ჩასაფრებულებმა, ტყვია დაეყარეს; არც კი მიუშვეს კანტორამდე, არც კი მოუხმინეს იმ მუშებს, რომლებს შრომითაც ისინი მდიდრდებოდენ და სუქდებოდენ, ურომლისოდაც ისინი შიმშილით ამოწყდებოდენ... თოვლით თეთრად დაფარული დედამიწა წითლად შეიღება, აუარებელი მუშის სისხლით; გაისმა კენესა და წყევა დაჭრილების, ყვირილი, ღრიანცელი; მთელი მიდამო მოიფინა დაჭრილ-დახოცილებით; საზარელი სურათი გადაიშალა თვალწინ; როგორც ცუდით მოჭრილი ხეები, ისე ეყარა 250 მოკლუ-



მშვიდობიანად მიმავალ მუშებს ტყვია დაყარეს.

ლი და 270 დაჭრილი... მეორე მესამე დღეს 250 კუბო გადარჩენილ და დამწუხარებულ მუშებს ერთად მიჰქონდათ ძმთა სასაფლაოზე, სამგლოიარო გალოპით. მათ გულშიც ზვავდებოდა შუთრისძიება და ღვივდებოდა ცეცხლად; ბევრი ოჯახი დაობლდა მაშინ, ბევრი ბავში დარჩა უმამოდ, და მათ შორის მეც, რომელსაც მამა მომიკლეს იქ: იმ ორასოზმოცდაათში ჩემი საყვარელი მამაც ერია... ამ საზარელმა ამბავმა შესძრა მთელი მსოფლიო, ამ ამბავმა აამხედრა მთელი მაშინდელი რუსეთის იმპერიის მშრომელი ხალხი მთავრობის საზიზღრობის და ბურჟუაზიის, მემამულეთა გაუმადლობის წინააღმდეგ და დაიწყო აშკარა გულისწყრომა, გაფიცვები, აჯანყებები დიდ სამრეწველო ქალაქებში, მიყრუებულ სოფლებში; დროებით მიყრუებული 1405 წლის ამბები ისევ განახლდა, აიგო ბარიკადები ქუჩებზე, აფრიალდა წითელი დროშა, მაგრამ ისევ სისხლში ჩაახრჩეს ეს გამოსვლებიც, ვიდრე არ დაჰკრა 1917 წ. რევოლუციის ზარმა და არ წაღვკა ყველა სისხლისმსმელი ჯალათები...

ლენა შეჩერდა, თავი ჩაღუნა, ფიქრებმა წაიღეს; ამ ამბავმა დააფიქრა აგრეთვე ბავშებიც. მათი პაწია გული ატირდა ლენის ამბების აღწერით. დროებით სიჩუმე ჩამოვარდა, ვიდრე თითონ ლენამ არ დაარღვია ისევ ..

— ჩემო საყვარელო ბავშებო, თქვენ რომ დაიზრდებით და გადაათვალიერებთ რევოლუციის ისტორიებს, თუ როგორ იბრძოდნ თქვენი წინაპრები, რათა დღევანდელი თავისუფლება მოეპოვათ, იქ ლენას ამბებსაც შეხვდებით, რომელსაც ყოველწლივ ვიგონებთ აპრილის ჩვიდმეტს. .

— ჩვენ არ დავივიწყებთ ლენის მებრძოლებს, ჩვენ მუდამ გვეხსოვება...

გაისმა აქედ იქიდან ბავშების წამოძახილი მასწავლებლის საპასუხოდ ..

გაზაფხული სასიამოდ რთავდა მიდამოს მწვანე ფარჩით, სხე უხვად ჰფენდა სხივებს, ქუჩები ხმაურობდა, მუზეუმისკენ ორ-ორად ჩამწყივებულ ბავშვებს წინ მიუძღოდა ლენა, და ბავშვების ხელში ნელი სიო არხევდა პაწია წითელ დროშებს...

სეზმან ერთაწმინდელი.

ჩვენი პარტიის მუშათა კლასი გზოლოდ
გრაძოლით იპაფავდა გზას ოქტობრისაკენ.



სოფლის ვურბელა.

ვასიკო ხუთი წლის იყო, როდესაც მოუკვდა დედა, ისაკას და მამა მას სულ არ ახსოვდა.

ღარჩა ობოლი ბიჭუნა მარტოდმარტო, დაცარიელებულ ქოხში. ჰქონდა მას გულზე ჩამოსაკიდებელი მძივი და ერთი მშვიერი კატაც ჰყავდა. ეს იყო მთელი ქონება, დედისაგან დატოვებული. სხვა გზა არ ჰქონდა, ქუჩა-ქუჩა უნდა დაეწყო მოწყალების თხოვა, მაგრამ შეებრალა ბიძია ისაკას და თავისთან წაიყვანა.

ისაკას შვილები არ ჰყავდა. რა არ ჰქნა, როგორ არ ლოცულობდა, მაგრამ სასწაულომოქმედმა ხატებმა ვერაფერი უშველა. და მაშინ გადასწყვიტეს მან და მისმა ცოლმა, ეშვილებინათ ობოლი ვასიკო.

— გავზარდობიქი, — ამბობდა ისაკა, — მისი ჰამა-სმა არ დაგვაქცევს, ორი-სამი წლის შემდეგ კი ის ყოჩალი მუშა იქნება, სხვისი დაქირავება არ დაგვჭირდება. თუ დედას გამოემგვანა, ჩემს ცხონებულ დას, ვიშვილოთ და ცოლიც შევართოთ, და თუ ლოთ მამამისს დაემსგავსა, სულ პანდურის ცემით ვიფრინოთ, წინ ვინ დაგვიდგება.

გაიზარდა ვასიკო ისაკასთან. დედ-მამის ხელში მას სული ჰქონდა გამწარებული ცემა-ტყეპით და სიმშვილ-წყურვილით. ისაკა კი მას იშვიათად სცემდა და ყოველდღე მაძღარი იყო. მაგრამ ისაკა მას წამდაუწუმ არიგებდა, რითაც გულს უწვრილებდა ბავშს. გადატრიალების შემდეგ კი, როდესაც ისაკას ჩამოართვეს მებატონისაგან შესყიდული მიწა და ტყე, ის ლუქმასაც აყვედრიდა ბავშს.

— თუ დამჯერი იქნები, — ეუბნებოდა ისაკა, — ცოლს შეგერთავ და მთელ ქონებასაც შენ დაგიტოვებ, მე ხომ შენს მეტი ნათესავი არ მყავს, მაგრამ თუ იმ ციგან კომკავშირელებთან და პიონერებთან დაიწყე თრიალი, ბუს კვერცხებს მიიღებ, აი! ყველაფერს ეკლესიას დავუტოვებ, ჩემი სულის მოსახსენებლად, შენ კი გასწი და იყილვე სოფელ-სოფელ!

ტყვილა არ აქმევდენ ლუქმა პურს ვასიკოს: აუტანელი სამუშაოთი მას წელი ჰქონდა მოთრეული. განსაკუთრებით აუტანელი იყო ბავშვის მდგომარეობა საეკლესიო უქმეების დროს: ისაკა და მისი ცოლი ღვთის მოსახნი იყვნენ და უქმე დღეს ხელსაც არ გაანძრევდენ. მაშინ ყოველგვარი საქმე ვასიკოს უნდა გაეკეთებია. საბჭოთა დღესასწაულები კი არ სწამდა ისაკას, თვითონაც მუშაობდა და ბავშვსაც ამუშავებდა.

ეკას ეცოდებოდა ბავში და ხანდახან ეტყოდა ქმარს:

— კაცო, ცოდვია, ღმერთი გიწყენს, სად გაგონილა, რომ აღდგომასაც არ ასვენებ ამ ბავშს! ასეთ დღეს მუშაობა დიდი ცოდვია, გაიგე, ადამიანო!

— ეჰ, ერთი შენც! მაგისგან ხეირი მაინც არ გამოვა, კომუნისტი გახდება, მაგ რჯულოძალი! მამას გამოემგვანა შეჩვენებული! ერთ-ორ წელიწადს კიდევ ვამუშავებ და მერე კი ამოვკრავ პანდურს.

ენანებოდა ისაკას მთელი ქონების ეკლესიაზე გადაცემა, მემკვიდრე კი ვასიკოს მეტი არვინ იყო. არ იცოდა, რა ექნა.

— ჰოდა რა! იმათი ლოცვა-კურთხევით შემინდობს ღმერთი ცოდვებს? მღვდელი ლოთია, დიაკონი დღედაღამე ბანქოს თამაშობს, მედავითნე ქურდია... ვასიკო ჯერ ბაღია, მეთორმეტე წელში გადადგა, უეჭველად გამოსწორდება. ახლა მას სულელური წარმოდგენებით აბრიყვებენ... დაინახავს, რომ მათში არაფერი ხეირი ჰყრია და მიაფურთხებს იმათ...

ისაკა ძალიან ხარბი იყო. აგროვებდა და აგროვებდა ფულს, როგორც კი შეეძლო, არაფერს არ ერიდებოდა.

ერთხელ მან გირვანქიანი შეუკვეთა მკედელს, მაგრამ ის სრული გირვანქა არ იყო, ცოტა აკლდა.

— იცოდე, სრული გირვანქა არვის არ აუწონო, ცოტ-ცოტა ყველას დააკელი, მღვდლის მეტს.

— ქურდობა შენ გჩვევია და ისევ შენ იქურდე, — უპასუხა ვასიკომ.

— რაო? რა სთქვი, რა სთქვი, შე ციგანო! მე შენ ღდინს ვაგაგდებინებ, შე უმადურო ძაღლო! — და თან კისერში წაჰკრა ხელი.

— ბიძია, ჰკვიანად იყავი, თორემ... ახლა ძველი დრო კი აღარ არის.

— გაგაგდე, შიმშილით მოგკლავ, შე... შეშინდა ისაკა: ვასიკომ ყველა მისი საიდუმლო იცოდა, იცოდა, რომ ის პურს მალავდა, ქრთამს იღებდა, არაყს ხდიდა, ტყეს იპარავდა...

— დამლუპავს ეგ ჟღინტიანი, ისევ მოფერებით თუ გამოვა რამე.

სალამოზე ისაკამ ჰკითხა ვასიკოს: — რა არის ამ სალამოს თქვენთან, კომკავშირში? ცეკვაა, თუ მღვდლებს არდგენთ, ა, ბიჭო?

— ლექციაა, — უპასუხა ვასიკომ. — ეგ რაღა ჯანდაბაა? სურათია? — არა, ავრონომი ილაპარაკებს.



მაგიდასთან იჯდა აგრონომი და უამბობდა ხალხს, თუ რა სარგებლობა მოაქვს ტყეს.

— ეჰ, ზღაპრებს გიყვებიან, განა! ვიცით, რა შეილებიც ბრძანდებიან აგრონომები. გლეხების ზურგზე სუქდებიან, რალა! უფასოა?

ლექცია უფასო იყო, მეორე დღეს კი ფასიანი წარმოდგენა იყო. ვასიკო დაფიქრდა და უთხრა:

— ფასიანია.

— ოჰ, შე ეშმაკო, მაშ ფული გინდა, ა! — გაიღრიჭა ისაკა და ათშაურიანი გადაუგდო.

— აჰა, დაიჭი. შენ გგონია, რომ შენთვის ბიძიას ცუდი უნდა? შენ ჩემ მზეს უნდა ფიცულობდე, შიმშილით სული ამოგვძვრებოდა, შენ კი ისე ხეპრულად მექცევი. თუ ყველაფერს გამოიგონებ, შემოდგომისთვის პალტოსაც შეგიკერავ. ახლა კი წადი, გული გაიხალისე, მაგრამ დიდხანს კი ნუ შეჰყვები, იქ კაის არაფერს გასწავლიან და ცხენსაც მოვლა უნდა. რომ დაბრუნდე, თივა მიეცი.

ვასიკოს კრინტიც არ დაუძრავს, მოისმინა ბიძიას დარიგება, აიღო ათშაურიანი და ქობ-სამკითხველოს მიაშურა.

გაზაფხულის მშვენიერი დღე იყო. ტყე საამუხრად შრიალეზდა, სიოს ყვავილების სუნნელება მოჰქონდა, ათასგვარად აფერდებული მინდორ-ველი თვალს იტაცებდა. გლეხები ხენა-თესვას შესდგომოდნენ, მზე თავს წამოსდგომოდა ახლადგაღვიძებულ დედამიწას და სახეზე სიამოვნების ღიმი ვადაჰკროდა. ჩიტუნები სიხარულით დამთვრალიყვნენ და ცეტებივით ხტოდნენ ტოტიდან ტოტზე. მათი ჟღერტული სიხარულით უფესბდა გულს ვასიკოს, ის ხარბად ისუნთქავდა მაკოცხლებულ ჰაერს. მობუტბუტე მდინარე თავისკენ ეპატიჟებოდა, მაგრამ ის მაინც ქობ სამკითხველოსკენ მიაბიჯებდა.

ქობ-სამკითხველო სავსე იყო. აქ შეკრებილიყნენ ქალები, მამაკაცები, ბავშვები. მაგიდასთან იჯდა

აგრონომი და უამბობდა ხალხს, თუ რა სარგებლობა მოაქვს ტყეს. ვასიკომ აქ პირველად გაიგო, რომ, თუ ტყე გაიჩეხა, მდინარე დაშრება. მან იცოდა, რომ წინეთ მათი მდინარე გაცილებით უფრო დიდი ყოფილა, მაგრამ რამ დააბატარავა ის, მას წარმოდგენაც არ ჰქონდა.

აგრონომი ლაპარაკობდა აგრეთვე რალაც მუეზბაღზე. ვასიკომ ვერაფერი გაიგო, გარდა იმისა, რომ მუეზბადი აირია, მას ჩვენ ვსუნთქავთ და თუ ჰაერში მუეზბადი ცოტაა, მაშინ ადამიანს სული ეხუთვის. მართლაც, აქ რომ მოდიოდა, ტყიდან ისეთი სიო ჰქროდა, ისეთი კაი ჰაერი იყო, ისეთი კაი, რომ სუნთქვით ვერ გაძღებოდი, იმ სოფელში კი, სადაც ტყე არ იყო, ჰაერში მხოლოდ ნეხვის სუნი იდგა.

აგრონომი დიდხანს ლაპარაკობდა. ის ამბობდა, თუ რამდენი ტყეა ჩვენს რესპუბლიკაში, უამბო ხალხს, თუ რა უნაიროდ იჩეხებოდა ტყე წინეთ, რადგან ის მდიდრების ხელში იყო, ახლა კი ტყე ხალხს ეკუთვნის, მაშასადამე, ის უნდა შევიწინათ, სულ კი არ უნდა აფიხნათ, ყოველ წელიწადს ტყის მხოლოდ ერთი ნაწილი უნდა მოიჭრას, ახალი ხეები უნდა დაირგას, საქონელს არ უნდა მოვაქმევიწნოთ ის...

ლექცია გვიან გათავდა. კომკავშირელებმა დაადგინეს, ხვალ ტყის დღე მოეწყოთ და პატარა ხეები დაერგოთ გზების პირად და ეზოებში.

შინ რომ ბრუნდებოდა, ვასიკო ბიძა ისაკაზე და აგრონომზე ფიქრობდა.

„ნეტა რაა უნდა ბიძაჩემს, ტყეს რომ იპარავს? შეშა სამ წელიწადს გვეყოფა, შენობებს ჯერ შეკეთება არ სჭირდება, ის კი ჩუმად სჩეხს ჩამორთმეულ ტყეს. კარგი, რომ ჩამოართვეს, თორემ სულ გას-

ჩეხდა. მაშინ მდინარეც დაშრებოდა და მკვებადიც არ იქნებოდა“.

ვასიკოს გაეცინა, როდესაც ეს უცნაური სიტყვა „მკვებადი“ გაახსენდა.

ისაკამ ვასიკო შუადღისას გააღვიძა

— ადექი, კომუნისტო! სამხრობა გადავიდა, შენ კი ისევ დათა-ზურნას უკრავ ცხვირით. ძაან გაუბერინხარ იმ აგრონომს! წავიდეთ, სამუშაოა.

ვასიკო უცბად წამოხტა ფეხზე და საჩქაროდ დაიბანა ხელ-პარი. მალე, ის და ისაკა გზას გაუდგნენ. ცოტა რომ გაიარეს, ვასიკომ დაინახა, რომ ძირს ხალხი ირეოდა, ხელში პატარა ხეები ეჭირათ, ორმოებს თხრიდნენ, ყველა ფაციფუცობდა.

— ჰოო, ეს ტყის დღეა, — გაახსენდა ვასიკოს გუშინდელი ლექცია. — კომკავშირელები ხეებს რგავენ, რომ უფრო მეტი მკვებადი იყოს და მდინარეც არ დაშრეს.

ვასიკოს სულით და გულით უნდოდა იმათთან ყოფნა, ორმოების თხრა, ხეების დარგვა, მაგრამ რას იზამდა, ბიძას უნდა წაჰყოლოდა.

იმ დღეს ვასიკო მთვრალივით დადიოდა, საქმეს უგულოდ ეკიდებოდა,

— რა ღმერთი გიწყურება, რა მოგივიდა, დამხრჩვალნი ქათამივით რომ დადინხარ? — შეუტია ისაკამ.

— ავადა ვარ, — უპასუხა ვასიკომ.

— ვიცი, რა ავადაც ხარ! მთელი ღამე რომ გატეხე, ახლა ძილი მოგერია და ის არის შენი ავადმყოფობა. აწი აღარ გაგიშვებ იმ ოხრებთან, ლაილის მეტს რას გასწავლიან. იმათი საქმეა ყბედობა და მდიდრების გაფუცქვნა.

როდესაც შინ ბრუნდებოდნენ, ისაკამ წარბშეკ მუხვებით უთხრა ვასიკოს:

— დაეგდე, გამოიძინე, ღამე უნდა ვიმუშაოთ.

დაწვა ვასიკო და მას ტკბილად ჩაეძინა. მაგრამ ცოტა ხნის შემდეგ მას სახე დაუნაოჭდა: დაესიზმრა, თითქოს მდიდრებმა სულ გაჩეხეს, რაც ტყე იყო, მდინარეები დაშრა, ჰაერი ისეთი სულშემხუთავი იყო, რომ სუნთქვაც კი სჭირდა. ბორავას ვასიკო, ჯავრით ნაღველი უსივდებდა, რომ ასე გაანადგურეს ტყე...

— ადე, ადე, გეყოფა ხვრინვა, უნდა წავიდეთ, აჯანჯლალებდა მას ისაკა.

— სად უნდა წავიდეთ?

— შენი საქმე არ არის, მერე დანახავ!

მალე ისინი უკვე გზას ადგნენ. ისაკამ ნაჯახი და ხერხი წამოიღო. მდინარეს ნისლი დასწოლოდა, ტყე საიდუმლოდ შრიალეზდა, თითქოს ხეები ისაკასა და ვასიკოს მოსვლას ამცნობდნენ ერთმანეთს.

ისაკა ჩამორთმეული ტყისკენ მიეშურებოდა. ის ყოველდღე სჭირდა იქ ჩუმად ხეებს და ჩუმადვე ჰყიდდა. მან გადასწყვიტა სულ გაჩეხა ის ტყე. ახლა მას ორი ფიჭვი ჰქონდა მიხანში აპოლებული.

„დღეს ტყის დღეა. ვინ იფიქრებს, თუ დღეს ვინმე გასჩეხს ტყეს ქურდულად. მერე და რა ქურდობაა: ტყე ჩემია, წვითა და დაგვით მიყიდნია. მაშასადამე, მე უნდა გაჩეხო, სხვებს რათ უნდა დარჩეს? არაფერია, სულ ასიოდე ხე დარჩა კიდევ... ამ წელიწადში სულ ერთიან ავკაფავ. არა, ძალიან არ დაუღეს პირი სხვის ნაოფლარს!“ — ფიქრობდა ისაკა.



დაიდრიალა ისაკამ და გააწნა სილა ვასიკოს.



ცოტა ხნის შემდეგ მივიდენ. ისაკამ თვალი გადაავლო ცალკე მდგომ ორ ფიჭვს და უღვაშებში ჩაიცინა.

— აბა, მოჰკიდე ხელი ხერხს, — უთხრა მან ვასიკოს.

— არა, ბიძია, არ შეიძლება!

— რა? — გადაუბრიალა თვალები ისაკამ.

— მე არ მოვჭირი, არ შეიძლება, აგრონომმა სთქვა ..

— რას ბოდავ, ხომ არ გადაიჩრე!

— მკვებადი არ იქნება... გაიგუდები...

— მე შენ გაჩვენებ თვალის სეირს... შენც და იმ შენ აგრონომსაც.

და ისაკამ მოტეხა ტირიფის წკნელი.

— ვერ მოჭირი, ვერა, — დაუყვირა ვასიკომ, რაც ძალი და ღონე ჰქონდა. — დღეს ტყის დღეა, ხალხი ხეებს რგავს, შენ კი ჭირი... ჭურღო... ჭურღო...

— გაჩუმდი, — სისინით უთხრა ისაკამ, — ტყის მცველი გაიგონებს...

— ჭურღო .. ჭურღო... გაჰკიოდა ვასიკო. — ჰეი, ყარაულო!

— გაგავდებ, გაგავდებ, შე უმადურო ძაღლო! მივარდა ისაკა და პირი დაუმუწა, მაგრამ ვასიკო გაუსხლტა და უფრო ხმამაღლა დაიწყო ყვირილი:

— გამაგდე, მე თვითონაც არ მოვიცდი შენთან ..

არ მინდა შენი ქონება... ძარცვა გლგჯითაა ის შეძენილი, ნაქურდალია, ნაქურდალი... ჭურღო... ჭურღო...

— ურ — დო, ურ — დო... — გამოეხმაურენ მთები.

— ყოფას გიტირებ, დამაცა, — შენს ოხტში ამოვალ, — დაიდრიალა ისაკამ და, რაც ძალი და ღონე ჰქონდა, გააწნა სილა ვასიკოს, შემდეგ კი მოტრიალდა და შინისაკენ მოუსვა.

— ჭურღო... ჭურღო... ბურჭუა... წურბელა... ჭურღო...

ესმოდა მას გააფთრებული ვასიკოს ხმა.

— ურ — დო... ურ — დო... ელა... — მისძახოდნ მთები.




ი. კ.

გაზაფხული სოფლად.

გაღაშლილი სოფლის გული მზის სხივებით დაისერა; ახმაურდა მინდორ-ველი, აგუზგუზდა შრომის კერა. მალლა მთიდან ნაკადული გადმოეშვა დაბლა ბარად, და პატარა ბილიკები წვიმის წყლებით გადაფარა. ტყეშაც ტკბილად ბანი მისცა ამ საერთო ზეიმს სოფლად, და მხურვალე დედამიწა გაიჟღერნათა შრომის ოფლად. ფრინველებმაც ხის შტოებზე საბუღრების იწყეს ძებნა, და ურმების სიმრავლისგან ჟრიამული მორთეს ვხებმა.

ზამთრის ქარით დაფლეთილი მთა ფოთლებში ჩაესვენა; სადღაც, ქორთვა დაფნებიდან, შაშმატ ნახად მორთო სტვენა. ყვავილებით დაბურულმა ბუჩქმა ყელი მოიღერა, სიხარულით დაფარული აგუგუნდა შრომის კერა. გლეხი თოხებს ჩარხზე ღესავს და უღელში ხარებს აბაშს; იქვე ახლოს მისი ვაჟი ხალხს უყვება ახალ ამბავს. გაფურჩქნული გაზაფხული ყვავილების პერანგს კერავს, რომ გაათბოს ქვეყნის გული, რომ დაანთოს შრომის კერა.





მიწის წიაღში*)

გაზაფხულის დილაა, გრილი და ნამიანი. არც ერთი ღრუბლის ნაჭერი ცაზე. მხოლოდ აღმოსავლეთით, იქ, საიდანაც ეს არის ამოცურდა ცეცხლოვანი მზე, ჯერ კიდევ დაჯგუფულან განთიადის ვეჟანი ღრუბლები, რომლებიც თანდათან დნებიან და იცრიცებიან.

ყველაფერი ბრჭყენავს, ნებივრობს და მხიარულად მიიწევს მზისკენ. მხოლოდ აქა-იქ ღრმა და ვიწრო ღეღეღებში, თხელა ბუჩქნარით მოსილ ფრიალო ფლატეებს შორის, ჯერ კიდევ წვანან ნესტიანი მოლურჯო ჩრდილები, გასული ღამის მოწმენი.

მალა ჰაერში, სადაც თვალი ვერ მიწვდენია, თრთიან და წკრიალებიან ტორლოები.

მოუსვენარმა კუტიკალიებმა კარგა ხანია ატეხეს აშურებული და ხმელი ჭრიჭინი.

ველმა გაიღვიძა და გაცოცხლდა, ღრმად და ძლიერად სუნთქავს.

ამ დილის სუტურფეს მკვეთრად არღვევს გოლოლოზოვის მაღაროს ჩვეულებრივი ექვსსაათიანი გუგუნის საყვირის, რომელიც ხრინწიანად, გაუთავებლად ყვირის, თითქოს რაღაცას ჩიოდეს. ეს ხმა ხან ძლიერად ისმის, ხან სუსტად; ზოგჯერ კი

სრულებით სწყდება, მიწაში მიდის და უცბად ისევ ახალი ძალით ამოვარდება.

ველის უზარმაზარ მწვანე ჰორიზონტზე მხოლოდ ერთი ეს მაღაროა ადამიანის შრომის მოწმე, შავი ღობეებით და ამართული მილით. მაღალი, გაქვარტლული მილები შავს და ქუქკიან კვამლს ანთხევენ განუწყვეტილად; შორიდანვე მოისმის ჩაქუჩების ცემის ხშირი ხმაური და ჯაჭვების გრიალი.

აი, ახლა უნდა ჩავიდეს მიწაში მუშების მეორე ჯგუფი. მაღაროს ეზოში ორასამდე კაცი დაჯგუფულა ქვანახშირის გროვებს შორის. გაშავებული, ნახშირით გაქლენთილი, მთელი კვირაობით დაუბანელი სახეები, ყოველნაირი ფერის ძონძები, ქალამნები, წადები, რეზინის ძველი კალოშები და შიშველი ფეხები, — ყველა ეს ერთმანეთშია არეული აქრელებულ, მოფუსფუსე და მოყაყანე ბრბოში.

მაგრამ ბრბო თანდათან ცოტავდება, ვიწრო ხის კარებში გადიან; კარებს წარწერა აქვს მიკრული: „სალამფე“. სალამფე ოთახი მთლად გაქვდილია მუშებით. ათი კაცი ზის გრძელ მაგიდასთან და ზეთით ავსებს შუშის ლამფებს, რომელთაც გარედან მავთულის საფრთხილო ბუდეები აქვთ ჩამოცმული.


მიიღებს რა ლამფას, მუშა მეორე ოთახში გადის, სადაც უფროსი მეთვალყურე ჩანიშნავს მის გვარს დღიურ ნუსხაში და ორი ხელქვეითი კი გულმოდგინედ უსინჯავს ჯიბეებს, ტანისამოსს, ფეხსაცმელს, რომ მაღაროში წუმწუმა, თამბაქო, ან კვეცი არ ჩაიტანოს. დარწმუნდება რა მეთვალყურე, რომ მუშას აკრძალული ნივთები არა აქვს, დაუქნევს თავს და მოწყვეტით ეტყვის: „გაიარე“.

*) ეს მოთხრობა ეკუთვნის ბურჟუაზიულ მწერალს. მასში მოცემულია ბურჟუაზიული საზოგადოების დროის ცხოვრება. წამკითხველები ნათლად დაინახავენ მასში ბურჟუაზიული საზოგადოების სისაძაგლეს, თუ როგორ ეწვეიან ბავშთა შრომის ექსპლუატაციას, როგორ მძიმე პირობებში უხდებათ ბატარა პროლეტარებს მუშაობა მიწის სიღრმეში — მაღაროში. დღეს ასეთ მოვლენას არ აქვს ადგილი მხოლოდ საბჭოთა ხელისუფლებაში, რომელმაც მუშარა კლასი გაათავისუფლა მყველფელების ბრჭყალებისაგან. მოთხრობას ჩვენ ვათავსებთ მხოლოდ იმისთვის, რომ ჩვენმა ნორჩი თაობამ, პიონერებმა, რომლებიც ძველ დროს არ მოსწრებიან, იცოდნენ, თუ რა პირობებში ხდებოდათ მათ თანამომძმეებს წინათ ცხოვრება.

რედაქცია.

ამის შემდეგ მუშა შემდეგი კარით გრძელ და განიერ გადახურულ დერეფანში გადის, რომელიც მთავარი ქის ზემოთაა.

დერეფანში შეკვლელობა გახურებული ფუს-ფუსია.



პატარა ვასო მთავარი ქის ნაპირას დგას.

მალაროში ჩასასვლელი ქის ოთხკუთხედიან ნახვრეტში ჯაჭვების საშუალებით ამოდის და ჩადის ორი რკინის ბაქანი. ერთი ბაქანი რომ ამოდის, მეორე ჩადის ასეული საყენის სიღრმეზე.

ქვემოდან წამოსული ბაქანი დატვირთულია ჯერ კიდევ ნოტიო ქვანახშირიანი რონოდებით. ნახშირი ეს არის გამოანგრეის იქ, მიწის წიაღში.

ერთ წუთში ჩამოღებულა რონოდები ბაქნიდან, დადგმულია ლიანდაგზე და სწრაფად გატანილია ეზოში დასაცლელად, ცარიელი ბაქანი კი მუშებით ივსება.

სამანქანო განყოფილებას ეძლევა ნიშანი ელექტრონის ზარით და ბაქანი საშინელი გრილით ქრება, ვარდება ქვევით.

გადის წამი, მეორე — და არაფერი ისმის, გარდა მანქანის და ჯაჭვების ჩხრიალისა. მალე მეორე ბაქანი ამოვარდება ზევით, მაგრამ ქვანახშირით კი არა, არამედ მთლად გაქვდილი სველი, შავი და სიცივისაგან აკანკალებული ხალხით. ამგვარი შეცვლა ხალხის და ქვანახშირის სწრაფად გრძელდება, მუდმივად.

აგერ პატარა ვასო, რომელსაც მუშებმა ზედმეტ სახელად კირპატი უწოდეს, მთავარი ქის ნაპირას დგას, საიდანაც წამდაუწუმ ამოვარდება ხოლმე ხალხი და ქვანახშირი; ვასო გაშტერებული იყურება ქვევით.


ვასო 12 წლის იქნება. ქვანახშირის მტვერისაგან მთლად გაშავებულ სახეზე წყვილი ცისფერი თვალი მოუჩანს, სანდომიანი და მიამიტი; ცხვირი ზევით აქვს აშვერილი.

ისიც ახლა უნდა ჩავიდეს მალაროში, მაგრამ მისი ჯგუფის მუშებს ჯერ თავი არ მოუყრიათ, ამიტომ იცდის.

ნახევარი წელია სულ, რაც ვასო მალაროში მოვიდა შორეული სოფლიდან.

აქამდის ვერ შეჩვევია ის მალაროს სამუშაოს და ზნე-ჩვეულებას. მალაროს რთული და მძიმე სამუშაო მაჯლაჯუნასავით აწევს მის ჭკუა-გონებას და მალარო რაღაც უცნაურ ქვეყნად ეჩვენება, ზღაპრულ ძალათა ბინად.

ყველაზე საიღუმლო არსება ამ ქვეყანაში, უდაოდ, მემანქანეა: ტყუავის ქურთუკი აცვია მას, პირში სიგარა აქვს, ცხვირზე ოქროს სათვალეები, წვერიანია და გორგოზი. კარგად ხედავს მას ვასო ფანჯარაში.



კარგად ხედავს ვასო მემანქანეს ფანჯარაში

რა კაცია ეგ მემანქანე, ნეტავი? — ეკითხება თავის თავს ვასო; მაგრამ, კაცი კია? აგერ, ადგილიდან არც კი იძვრის, არც სიგარას იღებს პირიდან, მაგრამ რაღაც ფოლაქს აჭერს ხელს და უზომიზომი მანქანა თვალის ერთ დახამხამებაში იწყებს მო-

ძრაობას, აქამდის უძრავი და წყნარი; აჩხარუნ-
დენ ჯაჭვები და გრილით წავიდა ქვევით ბაქანი,
შეინძრა მთელი მალაროა ხის შენობები. საკვირვე-
ლია, ის კი ზის თავისთვის, თითქოს არაფერი მომხ-
დარიყოს, და აბოლებს თანბაქას. აგერ, კიდევ რა-
ღაცას დააჭირა თითო, მოსწია უკან ფოლადის ჯოხი
და ერთს წამში გაჩერდა ყველაფერი, მიწნარდა,
ჩაჩუმდა... იქნება შელოცვა იცის?—შიშშეპარებული
ფიქრობს ვასო და მემანქანეს შეჰყურებს.

მეორე უცნაური და არაჩვეულებრივი უფლებით
აღჭურვილი პირი პავლე ნიკიფორეს ძეა, სრული
ბატონ-პატრონი ბნელი, ნესტიანი და საშინელი მი-
წისქვეშა სამეფოსი, სადაც აქა-იქ კრთიან შორე-
ული ჩირაღდნების წითელი წერტალები. მისი ბრძა-
ნებით კეთდება ახალი გვირაბები და გასავალ-გა-
მოსავლები.

მაგრამ ყველაზე ძლიერი, ვასოს ფაქრით, მა-
ღაროს დირექტორია — ფრანგი, კარლ ფრანცის ძე.
მას ყველაფრის გაკეთება შეუძლია, ყველაფრის,
რასაც კი მოინდომებს.

— ჰეი, კირპატო, ჩადი, რაღა! — მოესმა ვასოს
ზედ ყურთან უხეში ხმა.

ვასო შეკრთა და ბაქანს ეცა; სწორედ ის ჯგუ-
ფი ჩადიოდა ქვევით, რომელშიაც თვითონ ხელქვე-
რთად იყო. უშუალო მისი უფროსები იყვნენ ძია
ანდრო და ვანო „ბერძენი“; მათთან ერთად ეძინა
ყაზარმის ტახტზე და მუშაობდა.

ბაქანზე ვასოს გარდა 5 კაცი ავიდა. გაისმა
საყვირის ხმა და იმ წამს ვასომ მთელ სხეულში
არაჩვეულებრივი სიმსუბუქე იგრძნო, თითქოს ფრთე-
ბი გამოესხა. ბაქანი გრილით ქვევით გაექანა, ჰის
ავურით ნაშენი კედელი კი რუხი ფერის ერთ მთლი-



მუშები ქვანახშირით დატვირთულ რონოდებს აგორებდენ

ან მასად გადაიქცა და ზევით მირბოდა. მერე უცბად
სრული სიბნელე დამყარდა ლამფები ძლივს კრთე-
ბოდენ გაჩუმებული წვერიანი მუშების ხელში. შემ-
დეგ ვასომ იგრძნო, თითქოს ქვევით კი არა, ზევით
მიექანებოდეს. ამ უცნაურ ფიზიკურ მოტყუებას გა-
ნიცდის ყველა გამოუცდელი ადამიანი, როცა ჰის
შუანაწილს მიადწევს ხოლმე, მაგრამ ვასო კარგა
ხანს იყო ამ მოსაჩვენარ განცდაში, რომელიც თავ-
ბრუს ახვევდა.

ბაქანის სვლა შემცირდა და ბოლოს მიწაზე
დადგა.

ზევიდან ჩანჩქერივით ჩამოდიოდა მთავარ კა-
ში ქვენიადგის წყაროები და ამიტომ მუშები სა-
ჩქაროდ გადმოხტენ ამ კოკისპირული წვიმის ასაც-
დენად.

ქვემოთ მყოფი მუშები, მუშაობოვან ღართებში
გახვეულნი, ბაქანზე ქვანახშირით დატვირთულ რო-
ნოდებს აგორებდენ.

სრულიად საქართველოს საბჭოთა მე-IV ყრილობა.

28 მარტს გაიხსნა და 5 აპრილს დაიხურა სრულიად საქართველოს საბჭოთა მე-IV-ე ყრილობა. ეს ყრილობა უეჭველად დიდ საქმეს შეასრულებს ჩვენი ქვეყნის განვითარების და საბჭოთა ხელისუფლების შემდგომი განმტკიცების საქმეში. ყრილობამ ჯამი გაუკეთა უკანასკნელ წლებში შესრულებულ აღმშენებლობას და მისი მერმინდელი გაშლისათვის მოგვცა გარკვეული სახელმძღვანელო გეგმები, დასახა ნათელი გზები.

ყრილობას მოუხდა შეკრება მაშინ, როცა მთელი ჩვენი სახალხო მეურნეობა უკვე აღდგა, ომამდე არსებულ დონეს გაუთანასწორდა და ამავე დროს მეტად მტკიცედ შევდგით ფეხი მისი შემდგომი წინსვლის გზაზე.

ყრილობაზე გადაიშალა ამ სააღმშენებლო მუშაობის სრული სურათი. როგორც მთავრობის ანგარიშში, ისე მოხსენებებში მრეწველობისა და სასოფლო მეურნეობის შესახებ ნათლად იყო მოცემული საბჭოთა ხელისუფლების მიღწევები. უდიდესია ეს მიღწევები, თუ მხედველობაში მივიღებთ ძველი რეჟიმიდან მემკვიდრეობით მიღებულ ძირფესვიანად მოშლილ და დანგრეულ სახალხო მეურნეობას, საშვალებათა ნაკლებობას და იმ შედარებით მცირე დროს, რომელმაც განვლო მესამე ყრილობის შემდეგ.

მრეწველობის ომამდე არსებული დონე აღდგენილია და წარმოებს სრულიად ახალი სამრეწველო მშენებლობა. ომის წინანდელ მდგომარეობას საერთოდ გაუთანასწორდით სოფლის მეურნეობაში, ხოლო ზოგიერთ დარგში კიდევ გადავაცილეთ მას. თვალსაჩინოდ გაუმჯობესდა მუშათა და გლეხთა ნივთიერი მდგომარეობა. სათანადო ყურადღება ექცევა ხალხის განათლების და ჯანმთელობის საკითხებს. ერთი სიტყვით, არ მოიპოვება ჩვენი ქვეყნის და ხალხის ცხოვრების არც ერთი დარგი, რომელსაც არ დასტუბოდეს მუშურ-გლეხური ხელისუფლების შემოქმედებითი ხელი და რომელშიაც არ იყოს შეტანილი საგრძნობი ცვლილებები, გადახალისება მშრომელთა ინტერესების მიხედვით, სოციალიზმის გამარჯვების სასარგებლოდ.

რა თქმა უნდა, ეს ოდნავაც არ ნიშნავს იმას, თითქო ამით შეგვიძლია დაკმაყოფილება, თითქო შემდეგისათვის ცოტა რამ დაგვრჩენოდეს გასაკეთებელი.


ყრილობამ თავის რეზოლუციებში ჩამოაყალიბა მომავალი მუშაობის გეგმა და მიმართულება. როგორია ეს მიმართულება? მთელი საბჭოთა კავშირის მთავარი ამოცანაა დღეს, როგორც ვიცით, არის ქვეყნის ინდუსტრიალიზაცია, მძიმე მრეწველობის განვითარება. საქართველოს ეკონომიური განვითარებაც, თავისთავად ცხადია, ინდუსტრიალიზაციის მოითხოვს.

ყრილობამ განსაკუთრებული ყურადღება მიაქცია სოფლის მეურნეობის საკითხებს. და ეს გასაგებიცაა. სოფლის მეურნეობას თავისი ხვედრითი წილით პარველი ადგილი უჭირავს ჩვენი ქვეყნის ცხოვრებაში. მრეწველობის გაშლა, ქვეყნის ინდუსტრიალიზაცია შეუძლებელია სასოფლო მეურნეობის განვითარების გარეშე.

ამ ამოცანის განხორციელება და, საერთოდ, სოფლის მეურნეობის აყვავება მოითხოვს მიწათმოქმედის ჩატარებას, აგრონომიული ცოდნის გავრცელებას, სოფლის მეურნეობათა უზრუნველყოფას სათანადო იარაღებით, მანქანებით და მასალით, მაგრამ ყველაფერი ამის განხორციელება შეუძლებელი გახდება, თუ გლეხობა არ გაერთიანდა. უღარიბეს და ღარიბ გლეხთა კოოპერატიული შეკავშირება, გლეხთა მეურნეობის განსაზოგადოებრივება (კოლექტივიზაცია)—ი ძირითადი გზა, რომლითაც უნდა წავიდეს სოფელი.

ყრილობის ყურადღება აგრეთვე მთელ რიგ სხვა საკითხებსაც ჰქონდა მიპყრობილი. ყრილობამ მათაც სათანადო პასუხი გასცა.

სრულიად საქართველოს საბჭოთა მეოთხე ყრილობამ ერთხელ კიდევ ყველასათვის ნათელჰყო, რომ ჩვენ მტკიცედ და შეურყეველად მივდივართ ჩვენი მიზნებისაკენ, რომ ჩვენ შემდგომი ვართ სოციალისტური აღმშენებლობის ფართე გზებზე.



ჩინეი ქმეზი მსოფლიოში.

ინგლისის პიონერები იბრძვიან ჩინეთის ხალხის განთავისუფლებისათვის.

ინგლისის ნორჩ ამხანაგთა ცენტრალურმა ბიურომ გამოუშვა ორი მოწოდება — ერთი წინამძღოლთათვის და ერთი პიონერთათვის.

ამ ფურცლებში ისინი მოუწოდებენ პიონერ-ორგანიზაციის ყველა წევრებს, რომ მათ განუმარტონ პროლეტარ ბავშვებს და თავიანთი ოჯახის წევრებს ინგლისის ბურჟუაზიის მტაცებლური მოქმედება ჩინეთის ხალხის მიმართ.

მოწოდებაში ნათქვამია: „ბოლდუინის კაპიტალისტური მთავრობა აგზავნის ინგლისის მუშებს, ჯარისკაცებს და მეზღვაურებს, რომ ესროლონ ჩინეთის მუშებს და გლეხებს, რომლებმაც გადასწყვიტეს აუჯანყდნენ უცხოელ მჩაგვრელებს და გაათავისუფლონ ჩინეთი მათი მონობისაგან. თქვენ ხომ დარწმუნებული ხართ, რომ ჩინელები მართალი არიან.

ეცადეთ, თქვენ ძმას ან მამას, რომელსაც აგზავნიან ჩინეთის ხალხის წინააღმდეგ საბრძოლველად, შეაგნებინოთ შემდეგი: ჩინელები იბრძვიან იმისათვის, რომ გაათავისუფლონ მონობისაგან თავისი თავი და თავისი ბავშვები. ინგლისელი ჯარისკაცები, რომლებიც იგივე მუშები არიან, უნდა დაეხმარონ ჩინეთის მუშებს, რომ მათ დაამარცხოთ ინგლისის ბურჟუაზია... განუმარტეთ თქვენს მამებს და ძმებს, რომ ეს ომი უნდა შეწყდეს, წინააღმდეგ შემთხვევაში ის გარდაიქცევა საბჭოთა რესპუბლი-

კების წინააღმდეგ ომად. თუ ჩინელები გაიმარჯვებენ, მაშინ ისინი შესძლებენ გააუმჯობესონ მუშების მდგომარეობა, იზრუნებენ თავიანთ სწავლა-განათლებაზე და დაეხმარებიან საბჭოთა რესპუბლიკებს უცხოეთის კაპიტალისტების თავდასხმისაგან თავდაცვის საქმეში“.

ჩინეთის რევოლუციონური მოძრაობის პირველ დამხმარედ გამოვიდნენ ინგლისის პიონერები. მათ მაგალითს სხვა ქვეყნების პიონერებმაც მიბადეს.



მაროკოელი (აფრიკა) ბავშვები.

როგორ მუშაობას აწარმოებს პიონერ-კოლექტივი ოქტომბრელთა ჯგუფში.

თითქმის ყველა პიონერ-კოლექტივთან არსებობს ოქტომბრელთა ჯგუფები. ესენი არიან ბავშვები 8—11 წლამდის. ჩვენ ვიცით, რომ, პიონერ-კოლექტივის ორგანიზაციული დებულების თანახმად, თვითველ ჯგუფში უნდა იყოს 25 ოქტომბრელი, დღეს კი ბევრ კოლექტივში ასე არ არის, ზოგან არის მეტი, ზოგან კი ნაკლები. უნდა ვეცადოთ და მომავალში გამოვასწოროთ ეს ნაკლი.

ოქტომბრელები პიონერებად არ ითვლებიან. ისინი ემზადებიან, რომ მომავალში გახდნენ პიონერები. რადგან ეს ასეა, საჭიროა პიონერ-კოლექტივმა ერთად და აგრეთვე ყველა პიონერებმა ცალკე განსაკუთრებული ყურადღება მიაქციონ ოქტომბრელთა შორის მუშაობას. პიონერებს უნდა ახსოვდეთ, რომ ოქტომბრელები არიან მათი შემცვლენი, ამისთვის უნდა მოამზადონ ისინი, რომ ღირსნი იყვნენ პიონერად გახდომის.

ჩვენ ვიცით, რომ ოქტომბრელები არიან სულ პატარა ბავშვები, რომელნიც განსხვავდებიან პიონერებისაგან თავისი განვითარებით, სხეულის სიმაგრით და სხ. მათ შორის მუშაობას არ შეიძლება ექნეს ისეთი ხასიათი, როგორც პიონერებთან კოლექტივში მუშაობას აქვს. მაგალითად, ის, რაც გასაგებია პიონერისთვის, შეიძლება გაუგებარი იქნეს ოქტომბრელისთვის. მას, რის გაკეთებაც შეუძლია პიონერს, ვერ გააკეთებს ოქტომბრელი, რადგან ის ჯერ კიდევ პატარაა. ამიტომ პიონერებმა ოქტომბრელთა შორის მუშაობა უნდა შეუფარდონ ოქტომბრელების მოთხოვნილებას და თავისებურებას.

ჩვენ ხშირად ვხედავთ ბავშვებს, ოქტომბრელებს, რომელნიც ჯგუფად შეკრებილან პიონერ კოლექტივის ბინაზე, მდერიან პიონერთა სიმღერებს, თამაშობენ და ყოველმხრივ ბაძვენ პიონერებს. ეს ხდება იმიტომ, რომ ოქტომბრელები, რომელთა თვალწინ ხდება კოლექტივის მთელი მუშაობა, ითვისებენ მას. ბავშვებში მიმბაძველობა არის განვითარებული. ოქტომბრელები ბაძვენ პიონერებს. იქ, სადაც კარგი კოლექტივებია, ენერგიული პიონერებია, რომელთაც ახასიათებს დისციპლინა, ზრდილობიანობა. ოქტომბრელებიც ამასვე ეჩვენებიან. მაგრამ ჩვენ გვინტერესებს, რომ ეს მიჩვევა, შეთვისება ზერელედ არ ხდებოდეს. ამიტომ პიონერ-კოლექტივმა დიდი ყურადღება უნდა მიაქციოს ოქტომბრელთა შორის მუშაობის შინაარსიანად და გეგმიან-

ნად ჩატარებას. ოქტომბრელთა სამეცადინო კრება არ უნდა გაგრძელდეს 1 1/2 სათზე მეტი. თუ გაგრძელდება, არავითარ ნაყოფს არ მოიტანს რადგან ბავშვები დაიღლებიან და გულდასმით არ მოეკიდებიან მეცადინეობას.

როგორი სახის მუშაობა უნდა ტარდებოდეს ოქტომბრელთა ჯგუფში?

მათ შორის მუშაობაში მნიშვნელოვანი ადგილი უჭირავს საუბრების ჩატარებას, მაგრამ უნდა ვიცოდეთ ისიც, თუ როგორ უნდა ჩატარდეს ესა თუ ეს საუბარი. ხშირად ხდება ასე: პიონერს, რომელიც ატარებს საუბარს, ავიწყდება, რომ მას საქმე აქვს პატარა ბავშვებთან, ოქტომბრელებთან და მოჰყვება ისე, თითქოს მას პიონერები უსმენდნენ. ესე იგი, დაიწყებს ისეთი ენით ლაპარაკს, რომელიც ოქტომბრელებისთვის გაუგებარია. რა თქმა უნდა, ასე საუბრის ჩატარება არავითარ ნაყოფს არ დასტოვებს. ყოველი საუბარი უნდა ტარდებოდეს უპირველესად ყოვლისა ოქტომბრელებისთვის გასაგები ენით. ეს საუბარი არ უნდა გადაგრძელოთ ძალიან დიდხანს, უნდა ვეცადოთ მალე დავამთავროთ ის, მაგალითად, საუბარი უნდა გაგრძელდეს არა უმეტესი 15 წუთისა.

როგორი საუბრები უნდა იქნას ჩატარებული ოქტომბრელთა ჯგუფში?

ეს დამოკიდებულია იმაზე, თუ როგორი მდგომარეობაა თვით ჯგუფში; თუ ჯგუფი ახლად ჩამოყალიბებულია, ყველაზე უმჯობესია, რომ საუბრები დაიწყოთ ოქტომბრელთა კანონების და ჩვეულებების შესწავლით—უპირველესად ყოვლისა ოქტომბრელებმა თავიანთი კანონები და ჩვეულებები უნდა ისწავლონ. შემდეგ უნდა გადავიდეთ ისეთ საუბრებზე, რომელიც ხელმისაწვდომი იქნება ბავშვებისთვის. უნდა ჩატარებულ იქნას საუბრები რევოლუციის ბელადების ბიოგრაფიების გასაცნობად, წითელი არმიის მნიშვნელობის შესახებ და სხვა. საუბრები უნდა იქნას გადაცემული ცოცხალი ენით, მარტივად. საუბრის შინაარსი აუცილებლად ჩვენს დღევანდელ ცხოვრებას უნდა უკავშირდებოდეს. უნდა ვეცადოთ, რომ ჩატარებული საუბარი ბავშვებს დაამახსოვრდეს; ამ მიზნით უნდა ჩავეწყოთ ხოლმე საუბრის შესანიშნავი ადგილები.

პიონერებს შეუძლიათ აგრეთვე წაუკითხონ ოქტომბრელებს მხატვრული მოთხრობები. დღეს ჩვენ



ძალიან ბევრი ახალი მოთხრობა გვაქვს, მაგრამ ამას არამცთუ ოქტომბრელი, ბევრი პიონერიც კი არ კითხულობს. ეს ძალიან დიდი ნაკლია. პიონერები ყოველ სამეცადინო კრებაზე უნდა უკითხავდნენ ოქტომბრელებს მხატვრულ მოთხრობებს. თუ ვერ იშოვით ასეთ მოთხრობებს, მაშინ უფრო ალ „პიონერიში“ რომ მოთხრობები იწერება, ეს რომ წაუკითხოთ, ამასაც დიდი მნიშვნელობა ექნება.

გარდა ამისა, ოქტომბრელებს უნდა შევასწავლოთ პიონერთა სიმღერები. ხშირად ხდება, რომ ოქტომბრელები სიმღერებს პიონერთა გარეშე სწავლობენ. ცხადია, ამას არ ექნება აღმზრდელი მნიშვნელობა. როდესაც პიონერები თვითონ აუხსნიან და შეასწავლიან სიმღერას, ეს უფრო კარგი იქნება. უნდა აუხსნათ ოქტომბრელებს, თუ რაზე არის დაწერილი ეს სიმღერა, რას გამოხატავს ის და სხ.

ოქტომბრელებს ძალიან ჩვევიათ აგრეთვე ლექსების შესწავლა. მათ უნდა შევასწავლოთ პიონერული ხსიათის ლექსები და ინსცენირებები.

ჩვენ ვიცით, რომ ბავშვებს ძალიან უყვართ ფიზიკური ვარჯიში, ამასთანავე ჩვენ უნდა გვახსოვდეს, რომ ბავშვების გაჯანსაღებაში დიდი მნიშვნელობა აქვს ფიზიკურ ვარჯიშობას. ფიზიკური ვარჯიშის ჩატარებას ოქტომბრელებში ძალიან ფრთხილად უნდა მივუდგეთ. ცხადია, ის შეიძლება ჩატარდეს ოქტომბრელებში არა ისე, როგორც პიონერებში: პიონერულ ვარჯიშობებს ოქტომბრელის პატარა სხეული ვერ აიტანს, ეს ზიანს მიაყენებს მას. ჩვენ უნდა ვეცადოთ ისეთი ვარჯიში ჩავატაროთ, რომელიც მიზანშეწონილი იქნება ოქტომბრელისთვის. მაგალითად, უპირველეს ყოვლისა ოქტომბრელებს უნდა შევასწავლოთ მწყობრივი სიარული და თავსუფალი მოძრაობა. ფიზიკური აღზრდის თვალსაზრისით ოქტომბრელები უნდა მივაჩვიოთ აგრეთვე სისუფრავის დაცვას, ხელ ჰკრის დაბანას და სხვ.

ოქტომბრელებს ძალიან უყვართ თამაში, თამაში ანვითარებს ბავშვის ორგანიზმს; ამიტომ ოქტომბრელთა შორის მუშაობაში თამაში ფართოდ უნდა გამოვიყენოთ. თამაში უნდა ეწყობოდეს სუფთა ჰაერზე. თუ ცუდი ამინდია, მაშინ კი დარბაზში.

თამაშის დროს ძალიან უნდა ვერიდოთ მტვერს; თამაში არ უნდა გაგრძელდეს 15 წუთზე მეტი.

როდესაც რაიმე საკითხზე ვატარებთ საუბარს და ეს კი შეეხება ადგილობრივ ცხოვრებას, ჩვენ შეგვიძლია ამ საკითხზე მოვაწყოთ ექსკურსია. მაგალითად, თუ ვატარებთ საუბარს სკოლის შესახებ, მაშინ ოქტომბრელებს უნდა ვუჩვენოთ სკოლა. თუ საუბარი შეეხება ქარხანას, მაშინ ჩვენ შეგვიძლია ექსკურსია მოვაწყოთ ქარხანაში.

ექსკურსიები შეიძლება მოვაწყოთ აგრეთვე საბავშვო სახლებში, საბავშვო ბაღებში და ბავშთა სხვა დაწესებულებებში.

კარგ მზიან ამინდში შეიძლება მოეწყოს ექსკურსია ბუნების მოვლენის შესწავლის მიზნით, მაგალითად, მახლობელ ტყეში, მინდორში, ბაღში, მდინარეზე და სხვ. ოქტომბრელების საექსკურსიოდ შორს წაყვანას უნდა ვერიდოთ.

რომ ოქტომბრელები მივაჩვიოთ შრომისმოყვარეობას, ამისათვის შრომითს აღზრდასაც დიდი ყურადღება უნდა მივაქციოთ. შრომითი აღზრდა შეიძლება ჩავატაროთ შემდეგნაირად:

ოქტომბრელებმა უნდა დაასუფთაონ თავიანთი სამეცადინო ბინა, უნდა მორთონ ის სურათებით და პლაკატებით, რასაც თვითონ უნდა აკეთებდნენ. გარდა ამისა, თუ კოლექტივს აქვს ბაღი, ბოსტანი ან სახელოსნო, რიგ-რიგობით უნდა მუშაობდნენ შიგ. ოქტომბრელებს ცალკე კედლის გაზეთი არ აქვთ. მათ აქვთ დათმობილი კუთხე პიონერთა კედლის გაზეთში, სადაც სწერენ თავიანთ ცხოვრებაზე. ოქტომბრელები არიან პიონერების უმცროსი ძმები. პიონერები მათ უნდა ეპყრობოდნენ ისე, როგორც თავის უმცროს ამხანაგებს არამც და არამც არ არის დასაშვები ბრძანელობა პიონერების მიერ. ოქტომბრელები თვალყურს ადევნებენ და მონაწილეობასღებულობენ შეძლებისდაგვარად პიონერ კოლექტივის მუშაობაში, კამპანიების და დემონსტრაციების ჩატარებაში, კუთხეების მოწყობაში, თვითმოქმედებითი საღამოების და კედლის გაზეთების გაქოშვების დროს.

მხოლოდ დაკვირვებული და შინაარსიანი მუშაობის წარმოებით შეიძლება ოქტომბრელები გახდნენ ღირსეული პიონერები.

ტანი.



ჩვენი სხობრება

პიონერები და საზოგადოებრივი საქმე.

(ზესტაფონი)

ზესტაფონის რკინისგზის ადგილკომთან არსებული ნ. პ. კოლექტივი გამოჯანსაღების გზას ადგია. კოლექტივში ჩატარებულ იქნა საკითხი—ლენინაქანში მიწისძვრისაგან დაზარალებულთა ბავშვების დახმარების შესახებ. პიონერები ძალიან დაინტერესდნენ და განიზრახეს დახმარებადენ მათ.

მეორე კრებაზე გამოყოფილ იქნა ერთი პიონერი, რომელსაც დაევალა პიონერებში ფულის მოკრება.

მართლაც, ყველა პიონერმა შემოიტანა თითო ორ-ორი კაპეიკი და შეგროვებულ იქნა ერთი მანეთი და 28 კაპეიკი. პართალია, ეს ფული არავითარ თანხას არ წარმოადგენს, მაგრამ ეს იმის მაჩვენებელია, რომ კოლექტივი დაინტერესებულია საზოგადოებრივი საქმით.

თითოეული პიონერის ორი სამი კაპეიკი ნიშნავს თითოეული პიონერის დაინტერესებას და მის მიერ მონაწილეობის მიღებას ამა თუ იმ საერთო საქმეში.

ვიმედოვნებთ, რომ ეს კოლექტივი, როგორც სხვა კოლექტივებზე აღრე დაარსებული, გააცხოველებს მუშაობას და სხვა კოლექტივებს მაგალითს მისცემს როგორც კერძო, ისე საზოგადოებრივი მუშაობით.

ვარლამ გოლაძე.

წინ მივიწევი.

(ქუთაისის მახრა)

ქ. ხონის კ. ლიბენეტის სახელობის კოლექტივის მუშაობა თანდათან ღრმავდება. კოლექტივში ირიცხება 80-მდე ბავში. მუშაობს რგოლების წინამძღოლებისაგან შემდგარი საბჭო. პიონერებს ეძლევათ სხვადასხვა დავალება. ვუშვებთ ორკვირეულ კედლის გაზეთს, გვაქვს დაარსებული პატარა სამკითხველო. ლენინის გარდაცვალების 3 წლის

თავის აღსანიშნავად დავდგით საკუთარი ძალებით საღამო, წარმოდგენა, რამაც მაყურებელ გლეხებზე დიდი შთაბეჭდილება დასტოვა თუკი ჩვენმა წინამძღოლებმა მუშაობაზე გული არ აიგდეს (როგორც სხვევით ზოგჯერ), ჩვენი მუშაობა უფრო გაძლიერდება.

პიონერი გ. მეზუკე

ჩვენი მუშაობა.

ქ. ბორჯომში ბორჯომის შრომის სკოლისთან არსებულ ნ. პ. ბავშთა კომუნისტური ორგანიზაციის „პარიზის კომუნის“ სახელობის კოლექტივი აერთიანებს 40 პიონერს. ამათ შორის არიან ოქტომბრელებიც. კოლექტივი დაყოფილია რგოლებად და თვითეულ რგოლს ჰყავს აქტიური ხელმძღვანელი. კრებები იწვევა სისტემატიურად და ირჩევა ბავშთათვის საინტერესო საკითხები. აქ არსებობს აგრეთვე სხვადასხვა კუთხეები და წრეები, სადაც მუშაობა დამაკმაყოფილებლად მიმდინარეობს, ღირსეული ხელმძღვანელების მეზობით. გამოდის აგრეთვე კედლის გაზეთიც, რომელიც ეხება კოლექტივის მუშაობას. საქარხნო-საფაბრიკო სკოლის უჯრედიდან მომავარებული კომკავშირელები სათანადო მუშაობას აწარმოებენ.

პიკორი პავლე ბლიაძე.

საჭირთა ხელმძღვანელი!

(სენაკი)

ქ. ახალსენაკის ქალაქის კოლექტივი არსებობს 1922 წლიდან. ხსენებული კოლექტივი აერთიანებს 40 პიონერს და 20 ოქტომბრელს. მეცადინეობა სწარმოებს კვირაში ორჯერ, მხოლოდ სპორტის დარგში, სოც. დარგში კი სრულებით არ წარმოებს მეცადინეობა, რაც ძლიერ აფერხებს კოლექტივის წინსვლას. არც კედლის გაზეთი გამოდის. კარგი იქნება, ქალაქის ა. ლ. კ. კ. უჯრედიდან გამოჰყოფდნენ მომზადებულ კომკავშირელს და ხელმძღვანელად დაგვიყენებდნენ.

შალვა ადამია.


მეცნიერება და ტექნიკა

მთვარეზე გასაზრენი გემი

ადამიანს აღარ აკმაყოფილებს ჰაერის დამორჩილება, მას სურს დაიმორჩილოს მსოფლიოს უჰაერო სივრცეც.

ამ უკანასკნელი წლების განმავლობაში მეცნიერების და ტექნიკოსების აზროვნება გაცხოველებულად მუშაობს, რომ გამოიხატოს პლანეტათა შორის მიმოსვლის საშუალება.

ერთ აზრს ყველა ეთანხმება, რომ უჰაერო სივრცეში გასაფრენად შესაძლებელია გამოდგეს გემი-მაშხალა.



ჩვეულებრივი მაშხალა მოწყობილია შემდეგნაირად: ერთ თავში გაკეთებული აქვს ასაფეთქებელი ნივთიერება (ჩვეულებრივად თოფის წამალი). როდესაც ნივთიერება აფეთქდება, მაშხალას მძლავრ ააფრენს.

ამაირადვე უნდა იყოს მოწყობილი გემი მაშხალაც პლანეტათა შორის მიმოსვლისათვის. ბევრი ასაფეთქებელი ნივთიერებით უნდა იყოს ის გატენილი, უნდა ფეთქდებოდეს ფრენის დროს გზა-და-გზა და ამით გემს შორს, წინ უნდა მიაქროლებდეს.

პირველი ასეთი გემი-მაშხალა შეიმუშავა და მოაწყო გერმანელმა ასტრონომმა, მფრინავმა მაქს ველერმა. გემით გადაიფრენს ერთს წამში 2000

მეტრს, ე. ი. წუთში 120000 მეტრს. 7,200.000 მეტრს, ანუ 7,200 კილომეტრს საათში, 172,800 კილომეტრს დღედაღამეში.

მაქს ველერის გემი თავის საცდელ გაფრენას ბერლინიდან ნიუ-იორკში მოახდენს მიმდინარე წლის გაზაფხულზე.

სურათზე დახატულია მ. ველერის გემი ფრენის დროს.

როგორ შეიძლება თავი დააღწიო ხმაურობას.

ვინ არ იცის, რა სიძნელეს წარმოადგენს დიდი ქალაქში მუშაობა: ეტლების და ტრამვაის გრიალი, ყვირილი, მუსიკა, ცეკვა, ხმამაღალი ლაპარაკი მეზობლის ოთახებში და სხვა—ყველა ეს ხელს უშლის ადამიანს, რომ მან თავისუფლად იმუშაოს.

როგორ შეიძლება ადამიანმა შეჰქმნას მეცადინეობისთვის საჭირო პირობები!

თანამედროვე ადამიანს არ შეუძლია ქალაქს მოშორდეს და უმეტესობა იძულებული ხდება შეუირიდეს ყოველნაირ მოუწყობლობას.

მაგრამ ამ ბოლო დროს ამერიკელმა გერნსბაკმა გამოიგონა ერთგვარი მოწყობილობა, რომელიც აუმჯობესებს მუშაობის პირობებს.



დახედეთ ჩვენს სურათს, თითქოს მყვინთავი ამოხუთა ზღვის ფსკერიდან და დაეწყინა მყვინთავის სამოსის გახდა. ნამდვილად კი ეს კაცია გერნსბაკის მიერ გამოგონებული ნილაბით.

არავითარ ხმაურობას არ შეუძლია გაატანოს ამ ნილაბში. ჩამოიცვამს თავზე ადამიანი ამ ნილაბს და არავითარ ხმაურობას აღარ ძალუძს დაარღვიოს მისი მყუდროება.

ამასთანავე ნილაბი შეერთებულია ნახშირბაქვით და გერნსბაკის ნილაბიანი კაცი სუნთქავს მშვენიერი სუფთა ჰაერით დიდი ქალაქის მტვერში.




ბოსტნის მოყვობა.

ჩვენი პიონერები ხშირად აწყობენ ბოსტნებს, მაგრამ ზოგჯერ მათ არც კი იციან, თუ როგორ უნდა იქნეს ის მოწყობილი. ამიტომ მათი შრომა უმეტეს შემთხვევაში უსარგებლო ხდება. პიონერები ამ საკითხს კარგად უნდა იცნობდნენ.

პირველ ყოვლისა, მომუშავემ მთავარი ყურადღება უნდა მიაქციოს თესლის სიკარგეს. არის ისეთი შემთხვევები, როდესაც ნიადაგს ამზადებენ დასათესად, დიდ ენერჯიას და დროს ხარჯავენ, ბოლოს კი გამოდის, რომ მომუშავე რასაც მოელოდა თავისი მუშაობით, იმის მესამედ ნაწილსაც ვერღებულობს, ან არა და სულ ფუჭად ჩაუვლის თავისი შრომა. ეს ყველაფერი თესლის უვარგისობით ხდება. ამიტომ მომუშავეს წინასწარ უნდა ჰქონდეს მომზადებული კარგი თესლი. თესლის ამორჩევის დროს მთავარი ყურადღება უნდა ჰქონდეს მიქცეული ადგილის ამორჩევას. ხშირად ყურადღებას არ აქცევენ, როგორი ადგილია საჭირო ამა თუ იმ თესლისთვის. ბოსტნისათვის საუკეთესო ადგილად ითვლება ის ადგილი, რომელსაც ყოველმხრივ მზე უღდება. ის ადგილი, რომელიც იჩრდილება, ბოსტნისათვის არ ვარგა, რადგან ჩვენ ვიცით, რომ მცენარისათვის მზეს დიდი სარგებლობა მოაქვს: ის ამუშავეს მცენარის ფოთლებში საზრდო მასალას. ბოსტანს უნდა ჩაუდიოდეს მდინარე, რომ გვალვის დროს მორწყვა ადვილად შესძლოს პატრონმა. ის უნდა იყოს შემოდობილი, რომ დაცული იქნეს ცხოველებისაგან. საიდანაც ჰქრის ცივი ქარი, იქე უნდა იყოს დათესილი მაღალი მცენარე, როგორც არის, მაგალითად, ცოცხი და სიმინდი: ის დაიცავს ბოსტანს ჭია-ღუებისაგან, რადგან ფრინველები ამათ უფრო დაეტანება და ფრინველები კი ჭია-ღუების დიდი მტერი არიან. დიდ საჭიროებას წარმოადგენს აგრეთვე ადგილის კარგად გაწმენდა ბალახებისაგან. როდესაც ჩვენ ასე მოვიქცევით და დავასუფთავებთ ადგილს, შემდეგ შეგვიძლია გადავიდეთ ნიადაგის დამუშავებაზე. საერთოდ ნიადაგს ამუშავებენ უმთავრესად ბარით, თოხით და კავით, მაგრამ თოხით დამუშავებული მიწა ცუდი არის, რადგან მიწა თხოულობს ღრმად გადმობრუნებას და თოხით კი ყოველად შეუძლებელია ნიადაგის ღრმად დამუშავება. სჯობს მიწის კარგად დაბარვა ან დახვნა. როდესაც მიწას კარგად დაბარავთ ან დახნავთ, ნიადაგს უნდა მისცეთ სასუქი. საუკეთესო სასუქად არის მიჩნეული ქათმის და ცხენის განავალი, რადგან ის მეტად მხურვალეა და ესე იგი ხურვალე

ძლიან უწყობს ხელს თესლის ზრდა-განვითარებას. აგრეთვე კარგ სასუქად ითვლება ყველა შინაური ცხოველების ნეხვი, გარდა წვრილფეხისა. კიდევ კარგი არის ნაცარი, ხის ფოთლები, ტორფი და სხვა. როცა მიწას დავამუშავებთ, მიწას დავყოფთ კვალებად. თუ აიღებთ კიტრს, მას უყვარს საშუალო ადგილი, არც ძალიან ნესტიანი და არც ძალიან მშრალი, ხოლო თუ სიციხეები დაიჭირა, მაშინ მორწყვა ესაჭიროება, რისთვისაც მზად უნდა გვქონდეს სარწყავი იარაღი. ახლა გავეცნოთ რამოდენიმე მცენარის მოყვანას.

კიტრს სთესენ ასე: სანამ დათესენ, ერთი ან ორი თვის წინ ალაგს დახნავენ და დააყრიან სასუქს. თუ დაესწრო თოვლი ან წვიმა, მაშინ ამ სასუქიდან ნიადაგი მიიღებს სინოკივრეს. გამოზაფხულდება თუ არა, სასუქს აურევენ მიწაში, ნიადაგს ხელმეორედ გადაამუშავენ და კიდევ მესამეჯერ. ამგვარად თესლის ჩაყრამდის კარგად გააფხვიერებენ, რომ თესლს თავისუფლად შეეძლოს ამოსვლა. მხოლოდ უნდა ეცადოთ, რომ სასუქი ბევრი არ მისცეთ, თორემ კიტრი (საერთოდ ყველა მცენარე) განებივრდება, დიდი გაიზრდება და ნაყოფს არ მოისხამს. შემდეგ ნიადაგს ჰყოფენ კვალებად, კვალებს აცილებენ არა ნაკლებ ორ-ნახევარი მეტრისა ერთიმეორეს. თუ მეტს დააცილებთ, კარგი იქნება, ხოლო ადგილი ბევრი დაჰკირდებათ. თუ ნიადაგი დაბალ ადგილს არ წარმოადგენს, კვლები ძალიან ღრმა არ უნდა იყოს, წინააღმდეგ შემთხვევაში კი ღრმა არის საჭირო. ეს კვლები საჭირო არის მისთვის, რომ, თუ ვინიცომაა ცუდი ამინდი დაიჭირა, მაშინ კვლებს შუა მოთავსებულ ნიადაგს გამოაცლის ტენს და მცენარეს ზრდის საშუალება მიეცემა. კიტრს თესვენ მწკრივში და აბნეულს. მწკრივში დათესვის ის მნიშვნელობა აქვს, რომ იქნება დაცული ერთგვარი სიმეტრია და მასთან ყოველი თესლი დაცილებული იქნება ერთიმეორისგან განსაზღვრული მანძილით. ხოლო როცა აბნეული არის, უნდა ეცადოთ, რომ თესლი თესლთან ძალიან ახლო არ დატოვოთ. თესვის დროს ეცადეთ, რომ ნიადაგი ძალიან მშრალი არ იქნეს, თორემ თესლი ტენს ვერ იშოვის და გვიან ამოვა, ან სულ არ ამოვა. ასეთ შემთხვევაში თქვენ თვითონ უნდა მისცეთ ტენი მორწყვის საშუალებით. კიდევ ეცადეთ, რომ ნიადაგი ძალიან ფხვიერი არ იქნეს, თორემ, თუ წვიმა დაესწრო ახლად დათესილს, მაშინ წყალი გადარეცხს ნიადაგის სიფხვიერეს და, როცა გაშრება, ზედაპირი გამშრარი



დარჩება, რის გამოც თესლს არ შეეძლება თავისუფლად ამოსვლა. როცა კიტრი ამოვა, გათოხნიან ორჯერ ან სამჯერ, მოაცილებენ ძირში ყოველივე ბალახს და მიწას მიაყრიან, რომ მიყრილმა მიწამ შეინარჩუნოს ტენი და მცენარეს გამოუღვებლად მიაწოდოს საზრდო მასალა. ასეთი დამუშავების შემდეგ კიტრი მოისხამს ნაყოფს.

კიტრს თესვენ მარტში და აპრილის პირველ რიცხვებში. ახლა გადავიდეთ ნესვზე და საზამთროზე.

ნესვი და საზამთრო თითქმის ისეთ მოვლას თხოულობს, როგორც კიტრი. ნესვს უყვარს უფრო დასვენებული ნიადაგი (ნაძველახი), რომელზეც ორ-სამ წელს კარგად ხეირობს, მერე კი უნდა გამოუცვალოთ ადგილი, თუ არა და წინააღმდეგ შემთხვევაში მისცემთ სასუქს. რაც შეეხება საზამთროს, ის უფრო განსხვავდება ორივესგან ადგილის ამორჩევით: მას უყვარს ქვიანი ადგილი. თუ მას მიცემთ ქვიან ადგილს, რომელიც დასვენებულია, კარგ მოსავალს მოგვცემს. ნესვს და საზამთროს აპრილში თესვენ.

კომბოსტოს უნდა შეუტრჩიოთ ისეთი ადგილი, როგორც კიტრს. მას ძალიან ემტერება მატლები და ისინი მოცილებულ უნდა იქნეს თავიდანვე, თორემ მე-

რე სულ მოედება ყველა ძირს. ამგვარად შეგნობილად მოიყვანოთ კარგი მოსავალი. ხოლო ყურადღება მიაქციეთ კიდევ ერთ გარემოებას: როცა მცენარეს თესთ, ეცადეთ, რომ საიდანაც მზე უცქერს, იქეთ დათესოთ ყოველთვის დაბალი მცენარე, რომელიც დიდი არ იზრდება, შემდეგ თანდათანობით მაღალი და მაღალი იმისთვის, რომ ერთიმეორე არ დაჩრდილონ. თესლის დათესვის დროს, სანამ თესვას შეუდგებოდეთ, ყოველთვის ერთი ან ორი დღით ადრე თესლი წყალში დააღებთ, შემდეგ კი ამოდეთ და გააშრეთ. დათესვის დროს აურიეთ ნესვში ან სილაში და ისე დათესეთ. ხოლო ეკადეთ ბევრი არ მოაბნियोთ, თორემ სქელი ამოვა და გათოხნის დროს მაინც უნდა მოთხაროთ და რომ ეს ასე არ მოხდეს, სჯობს ახალი თესლი, თუმცა კი დროს მოითხოვს, სათითაოდ დათესოთ. თუ მოიქცევით ისე, როგორც ზევით სწერია, ბოლოს თქვენ თვითონ გაგეხარდებათ. რომ იცოდეთ, როგორ სიამოვნებას განიცდით მაშინ, როცა ასეთი მუშაობის შემდეგ კარგ შედეგს მიიღებთ!! ვისაც ეს სიამოვნება არ გამოუტყდია, ეცადოს, რომ თვითონ გამოცადოს.

მ. არველაძე.



მორუმს ანზანი.

უწინარეს ყოვლისა თქვენ მოისურვებთ გაიგოთ, როგორია გარეგანი სახე რადიომიმდებისა. ეს არის ზებრალო ყუთი რამოდენიმე. ელვისური (ელექტრონული) ხელსაწყოთი და წყვილი ელსმენარით, ანდა გრამოფონის ხმამზარდის (რუპორის) მსგავსი მილნაკით ან მილით. გესპით თქვენ დაახლოვებით იმგვარადვე, როგორც ჩვეულებრივი ტელეფონით ლაპარაკის დროს, როცა მილნაკი გიქვრიათ ყურთან. შეეჩერდებით დაწვრილებით იმ

საკითხზე, თუ როგორაა მოწყობილი ელსმენარა, ტელეფონის მილი. შედეგს ვიღებთ იმგვარს, რომ გამტარის მეორე ბოლოში მყოფი ადამიანის ხმის ბგერა გადმოგვეცემა ჩვენ მაგივრით, მოქმედებს საელსმენო მიმდებზე — და ამგვარად ვისმენთ ხმას.

რადიო-ელსმენის ფართედ განვითარებამდე რადიო-ცნობათა ჩვეულებრივ საშუალებას წარმოადგენდა უმავთულო ტელეგრაფი; ნიშნების გადაცემის ეს საშუალება იხმარება ჩვეულებრივ ცნობების-

თვის, მაგალითად, გემებსა და ნაპირებს შორის, ან ატლანტის ოკეანეს გადაჭრით. ამ ამოცანებისთვის რადიო-ტელეფონი არაა იმდენად სასარგებლო; მაგრამ მას მოაქვს უდიდესი სარგებლობა მუსიკის ან სიტყვის მრავალრიცხოვან მსმენელთათვის ფართელ-მაუწყებლით გადაცემის დროს.

მიმღებ რადიო-სადგურებში ხმარებული ელსმენარა ძლიერ ჰგავს იმათ, რომლებსაც ხმარობენ ჩვეულებრივ მავთულიან ტელეფონებზე. მთავარი განსხვავება მდგომარეობს იმაში, რომ რადიო-მიმღების სმენარა ბევრად უფრო მგრძობიარეა, რადგან იმით გვიხდება უფრო სუსტი ნიშნების მიღება, მეორე იმაში, რომ მასზე მიმაგრებულია ჩაჩქანი ისე, რომ თქვენ შეგიძლიათ ჩამოიცივათ ის თავზე და არ შეიწუხოთ თავი სმენარას ხელში დაჭერით.

ჩვეულებრივი მოწყობილობა მდგომარეობს იმაში, რომ ორი პატარა სმენარა, რომელთაგან თვითეული მათგანი მკიდროდაა მიღებული თვითეულ ყურზე, შეერთებული არი ერთმანეთთან თავის ზემოთ, დრეკადი ლითონის ზოლით, რის საშუალებითაც ეს



სურ. № 1 საელსმენო ჩაჩქანი.

სმენარები მკიდროდ არიან მიღებული ყურზე (სურ. 1).


რადიო-სადგურის გადაცემის მოსასმენად თქვენ მოგიხდებათ მხოლოდ თქვენი წყოსის ამუშავება და საელსმენო ჩაჩქანის ჩამოცმა იმგვარად, რომ ორივე ყური იყოს დაფარული.

ამ ჩაჩქანს გაკეთებული აქვს საელსმენო გამტარი, როგორც მას ჩვეულებრივად უკეთებენ უბრალო ტელეფონებსაც. ეს გამტარი შეერთებულია რადიო-მიმღებთან.

ზოგჯერ ის პირდაპირ შედის წყოსში, ზოგჯერ კი გამტარზე მყოფი ორივე მავთული მიემარება ცალკე თვითეული ორ შემაერთებელ ხრახნილს, ან ეგრეთწოდებული მიმღების „მომჭერს“.

ამგვარ სატელეფონო მიმღებთა უხერხულობა იმაში მდგომარეობს, რომ გადაცემულ ნიშნებს გაიგონებს მხოლოდ ერთი კაცი, რომელსაც ჩამოცმული აქვს ეს ჩაჩქანი, და მხოლოდ იმ შემთხვევაში, როცა ეს ნიშნები იქნებიან მეტად ხმამაღალი. შესაძლებელია ელსმენი დაიდვას პირდაპირ მაგიდაზე, მაგრამ თუ ოთახში მყოფ რამოდენიმე კაცს სურს მოისმინოს ნიშნები, ან უმავთულო სიტყვა, რომელიც იცემა, მაშინ იხმარება ეგრეთწოდებული „ხმამაღალი მოლაპარაკე“ (რეპროდუქტორი); არსებითად ეს ელსმენარის სახეა (სურათი № 2); ხმამაღლის მასთან დართვით, რომლის მეოხებითაც ბგერები უფრო ძლიერად ისმის. ეს მომარჯვებულობა აგებულია

იმავე პრინციპზე, როგორც ედაც გრამოფონი, სადაც აგრეთვე ბგერის გასაძლიერებლად იხმარება ბუკი ან ხმამაღალი. მე



სურ. № 2. ხმამაღალი მოლაპარაკე.

უკვე მოვიხსენიე, რომ ჯერ-ჯერობით რადიო ტელეფონი არ გამხდარა საყოველთაო გამოყენების საგნად, რადიომოყვარულებს შეეძლოთ მიეღოთ მხოლოდ მორზეს ნიშნებით გადაცემული ცნობები.

შესაძლებელია თქვენ არ

იცოდეთ, ნამდვილად რა არის მორზეს ანბანი. თუ ასეა, მაშინ მე გიამბობთ.

ვინაიდან თავდაპირველად უმავთულო საუბარი შეუძლებელი იყო, და რადგან აღამიანის სიტყვა არ წარმოადგენს საესეებით საიმედო საშუალებას ცნობების გადასაცემად, ამიტომ დაიწყეს ხმარება მორზეს ასოებისა, ან ეგრეთწოდებული კოდისა*) თქვენ თვითონ იცით, როგორ ძნელია ხშირად მიიღოთ ტელეფონით სწორი ნომერი და როგორ ხშირად დაიშვება შეცდომები ნომრებში და სახელებში. ამიტომ, არა მგონია, თქვენ გაგიკვირდეთ, რომ ცნობათა საიმედო გადაცემისათვის, სადაც საჭიროა ზედმიწევნითი სისწორე, ვიხმაროთ პირობითი ნიშნების რომელიმე სისტემა. ცხადია, კოდით გადაცემა ხდება ბევრად უფრო ნელა. სამაგიეროდ, მეორე მხრით, თქვენ უფრო მეტად ხართ დარწმუნებული იმაში, რომ თქვენი ცნობები გადაიცემა მეტი სისწორით, ვიდრე სიტყვების გადაცემის დროს.

თუ თქვენ გაქვთ სახლში რადიო-მიმღები, მაშინ აღარაა საეჭვო, რომ თქვენ მოისმენთ არა მარტო რადიო-ტელეფონის მუსიკას ან სიტყვას, მორზეს კოდით გადაცემულ რადიო-ტელეგრაფიას, არამედ აგრეთვე ნიშნებსაც, რომელთა საშუალებითაც მუდამ იჭერენ კავშირს ნაპირის სადგურები გემბთან, ჰაეროპლანები დედამიწაზე მყოფ სადგურებთან და შორს მყოფი სადგურები ერთი-მეორესთან.

შესაძლოა ამ ნიშნებმა არ დაგაინტერესოს თქვენ იმ უბრალო გარემოების გამო, რომ ისინი თქვენთვის გაუგებარი არიან და, ამას გარდა, ხშირად არ არიან არსებითად საინტერესონი.

*) კოდი ეწოდება საერთოდ პირობით ნიშნებს, რომელთა საშუალებითაც გადაიცემა ესა თუ ის ცნობები.



მეცნიერება და სარწმუნოებრივი ღმრთაობა.

მთელი ქვეყნის მორწმუნენი ღმრთაობაზე კოველწლიურად ქრისტეს აღდგომას.

წელსაც, ისევე, როგორც მრავალი წლების წინათ, აღდგომადღეს ქრისტიანობის მიმდევარნი იტყვიან ქებათა ქებას იესო ქრისტეს სადიდებლად მორწმუნეთა ქვეყანა ამ დღეს ზეიმობს თავისი ღმრთობის აღდგომას.

მაგრამ დღეს ვისაც სარწმუნოებრივი სიბნელი-საგან თავი აქვს დაღწეული, ვინც ემყარება მეცნიერებას და მეცნიერულ ცოდნას, რასაკვირველია, არ შეუძლია გაიზიაროს ის ზღაპრები, რომლითაც კვებავდნენ მრავალი საუკუნის განმავლობაში ხალხს ეკლესია და მისი მსახურნი, მხოლოდ იმისათვის, რომ ამ გზით და სწავლებით კარგად ეყვლინათ ის.

რას ემყარება ჩვენი ასეთი მტკიცება, რა საფუძველი უდევს სარწმუნოებას ჩვენი ასეთ მოსაზრებებს. — აი ის კითხვები, რომლებზედაც გარკვეული წარმოდგენა უნდა ჰქონდეს თვითეულ პიონერს, თვითეულ შეგნებულ ბავშვს.

დიდი ხანი ფიქრობდნენ, რომ ქრისტიანული სარწმუნოება არის ერთადერთი მთლიანი და დამოუკიდებელი რელიგია, მაგრამ მეცნიერულმა გამოკვლევებმა დაამტკიცეს, რომ მთელი ძველი და ახალი აღთქმის წიგნი („ბიბლია“) თავისი ზღაპრებით ნა-სესხებია სხვა უფრო ძველი სარწმუნოებებიდან, სადაც ეს გადმოცემები აგრეთვე სწამდათ და სჯე-როდათ.

რომ დავრწმუნდეთ ამაში, განვიხილოთ რამოდენიმე უძველესი ხალხის სარწმუნოება, რომელიც ქრისტიანობაზე გაცილებით უფრო ადრე არსებობდა.

ეგვიპტელებს ჰქონდათ რამოდენიმე სარწმუნოებრივი ღმრთაობა, მათ შორის ყველაზე უფრო დიდი და საზეიმო იყო **აღდგომის კულტი**. ამ დღეს ეგვიპტელები ღმრთაობაზე მათი მთავარი ღმრთობის **ოზირისის** მკვდრეთით აღდგომას.

აი, რას მოგვითხრობს ამ ღმრთობის კულტის შესახებ ცნობილი მეცნიერი ჰეროდოტე: „ეგვიპტელებს ჰქონდათ გადმოცემა, რომ ოზირისი 28 წლის განმავლობაში ფლობდა ეგვიპტეს, ასწავლიდა ხალხს მიწათმოქმედებას, მეცნიერებას და სხვა, ერთი სიტყვით, ზრუნავდა ხალხისათვის, მაგრამ ბოროტმა ხელმა არ დაინდო კეთილი ღმრთი და მუხანათურად მოჰკლა ის; რამოდენიმე ხნის შემდეგ ოზირისი გაცოცხლდა, მაგრამ მან დასტოვა სამეფო ტახტი და წავიდა უხილავ სამეფოში — ცაში, სადაც ის მეორედ მოსვლის შემდეგ უხელმძღვანელებს ცოდვილთა და მართალთა სამსჯავროს. ეგვიპტელების ლიტურგია (საეკლესიო ღმრთობისაზრება) პირველ დღეებში (როცა ოზირისი გასცეს და მოჰკლეს) ტირილის, შავებში ჯდომის ხასიათს ატარებს; მოგვები (მათი ხუცები) შეიმოსებოდნენ შავი სამოსელით, მორწმუნეები სხვადასხვა ასკეტური ზომებით (ახლან-

დელი დიდი მარხვა), აღნიშნავდნენ თავის მწუხარებას ღმრთის წამების გამო. ტირილი და ცრემლები შემდეგ ზეიმით, უსაზღვრო მზიარულებით იცვლება და ხალხი ეძლევა ქაი-სმას, გართობას, მზიარულებას... ოზირისი მკვდრეთით დგება...

აგილოთ ბაბილონელთა სარწმუნოება. ამ ხალხს (რომელიც ცხოვრობდა 20 საუკუნის წინ ქრისტიანობამდე) სწამდა ღმრთის თამუზის კულტი. თამუზი იყო განსახიერება ზრდის, მოძრაობის, ნაყოფის გაცოცხლების.

ბაბილონელებს სწამდათ, რომ ძლიერი თამუზი კაცობრიობის გულისთვის იტანჯა, რომ ბუნების „სიკვდილთან“ (ზამთარს) ერთად კვდება ისიც და მიდის „ქვესკნელის სამეფოში“, რომ იქ ტანჯავს წამებით და შეუპოვარი ბრძოლით კვლავ დაუბრუნოს კაცობრიობას გაზაფხული.

როდესაც გაზაფხული დგება, როცა ბუნება ისევ ცოცხლდება, — თამუზი ხანგრძლივი წამების შემდეგ კვლავ უბრუნდება მიწას.

ძველად, როდესაც მეცნიერება და ტექნიკა იმდენად განუვითარებელი იყო, რომ ადამიანს ფიქრიც არ შეეძლო ბუნების სტიქიურ ძალთა წინააღმდეგ თავისი ხელოვნური ძალის დაპირისპირებაზე, — ადამიანის არსებობა, მეურნეობა, მოსავალი დამოკიდებული იყო სრულიად გაუგებარ ძალებზე.

ერთ რამეს კი გარკვეულად ხედავდა ძველი ადამიანი: ეს იყო ბუნების მკაცრი სახეცვალებანი, რომელიც მეორდება უცვლელი კანონიერებით და რომელთანაც დაკავშირებულია მოსავლის სევე-ბედი. ცხადია, რომ გონებრივი განვითარების უმდაბლეს საფეხურზე მდგომ ადამიანს უნდა დაესკვნა, რომ ბუნების ცვლილებებს, მის კანონიერ მოძრაობას ჰყავს მართველი, რომელსაც მან უწოდა ღმრთი; შემდეგ მას დაუპირდაპირდა ბოროტი ღმრთი; შეიქმნა წარმოდგენა მათ შორის ბრძოლის შესახებ, წარმოიშვა კულტი კეთილი ღმრთის წამებისა და შემდეგ, ბუნების გამოცოცხლებასთან ერთად, მოსავლის გამოკეთებასთან ერთად, — ღმრთის მკვდრეთით აღდგომისა.

თუ ძველად „აღდგომის კულტს“ უშუალო კავშირი ჰქონდა სასოფლო მეურნეობასთან და იმ სამუშაოსთან, რომელიც ხალხს უნდა შეესრულებია მომავალი პერიოდისათვის, ქრისტიანულ სარწმუნოებაში მას ეს აზრი და მნიშვნელობა ეკარგება. აქ ის უკვე სხვა მიზანს ემსახურება. „ქრისტეს აღდგომა“, წარმოდგენა ქრისტეს წვალებისა, დიდი მარხვა და სხვა — ყოველწლიურად ახსენებს ხალხს, რომ საჭიროა მოვითმინოთ ამქვეყნიური ტანჯვა, რომ ვეზიაროთ „იმქვეყნიურ“ ბედნიერებას.

აი, რატომ უარყოფს მას დღეს მეცნიერება და რატომ ცდილობს ის, დაარწმუნოს ამაში მოტყუებულ მორწმუნეთა ფართე მასები.



თავისუფალ გავიგე.

თქვენ დღეს ხარობთ,
 ცეკვავთ, ლხინობთ,
 დარდი არ გაქვთ არაფრისა.
 გიხარიათ, რომ დროშები
 გიკავიათ ალის ფრისა.
 მირბიხართ წინ სიხარულით,
 ვალობთ ნაზად, წკრიალა ხმით,
 თქვენი გული სავსე არის
 სიხარულით და ზეიმით.
 თავისუფალ წითელ სხივში
 აცქრიალდით, ალაყვარდით,
 გაახარეთ თქვენი მოძმე
 და დასწყევლეთ ჯოჯოხეთი...
 მხოლოდ ამას გევედრებით,
 ჩვენო ტურფა ყვავილებო,
 შეიყვარეთ ყველა უომი,
 ერთად წადით აღთქმულ მხარეს,
 იარეთ წინ, ყველგან ნახავთ
 თქვენებრ ტანჯულ გლეხის შვილებს,
 და იმათაც გზა მიეცით
 თავისუფალ ბავშვთა მწკრივში,
 მაშ იცინეთ, იგალობეთ
 თავისუფალ ზეიმითა,
 ხელში ნაზად ჩაიკონეთ
 კომუნისების, ძმობის დროშა!

ქ. ლანდია.

(ტფილისი, მე-2 რაიონის მე-18 კოლექტივის პიონერი).

ჩემს პაწა მეგობრებს!

ჩქარა!. ჩქარა!.. ერთი.. ორი...
 დაუარეთ ქუჩებს...
 შეურყიეთ ძველი რწმენა
 ორგულებს და ურჩებს.
 დაუარეთ... ერთი ორი!
 და რიგებში სწორდით!..


ხედავთ, უკვე მომავალი
 ფრთებგაშლილი მოდის...
 მოდის, მოდის!! მოაქვს ლოდად,
 ვით გრივალი, ისე:
 გრძნობა, ცეცხლად ანთებული,
 რწმენა, სიხალისე!
 დაჰკათ!.. დაჰკათ!.. თქვენც წინ... მტკიცედ
 ხუთქიმიან დოღებს...
 რიგ გარეშე ნუ დაუოვებთ
 მეგობრებს და ტოლებს.
 ჩქარა!! ჩქარა!! ერთი ორი...
 დაუარეთ ქუჩებს...
 დაუფეთეთ ძველი რწმენა
 ორგულებს და ურჩებს.

ვ. გლეტიჩერი.

მრომელი ქალი

გუშინ ის იყო მამაკაცის მონა-მორჩილი,
 სულს უხუთავდა მას მონობის მძიმე ბორკილი.
 მეფის კანონი მას მხეცივით მუდამ სდევნიდა,
 ცხოვრების წინსვლას მოწყვეტილი, თვის ბედს სწყევ-
 ლიდა.

მაგრამ აივსო მოთმინებით თასი, ფიალა,
 და ქალის ხმებზე ცის სივრცეში გაიწკრიალა:
 „ძირს ბატონობა, ძირს მონობა, ძირს ძალა ბნელი,
 აღსდექით, ქალნო, დადგა წამი უკანასკნელი“.
 და მებრძოლ კაცებს შეურთდენ მედგრად ქალები.
 უკუაქციეს ერთი დაკვრით მტრების ძალები.
 ამ დიდ ბრძოლის დროს მან მრომელებს დასდო ამაგი,
 დღეს ის მამაკაცს გვერდში უდგას, ვით ამხანაგი.
 პიონერი გიორგი მებუჯე.



გ ა ს ა რ თ ო ბ ი



1. ღვირიდან გადმოგდება

პიონერები, რომლებიც გაყოფილი არიან ორ ჯგუფად, მოგროვდებიან ერთ წაქცეულ ხესთან ან ბოძთან და თვითეული ჯგუფიდან თითო-თითო გამოვლენ შესაჯობებლად. შეჯიბრი წარმოადგენს შემდეგს:

ორივე მოწინააღმდეგე დგება ბოძზე, მარცხენა ხელებს დაიჭერენ ღვინჯად და მარჯვენა ხელებს ჩაავლებენ ერთმანეთს ხელში. შემდეგ თვითეული მათგანი შეეცდება მოწინააღმდეგის ჩამოგდებას. ვინც პირველი გადმოვარდება ბოძიდან, ის წაგებულია. გამარჯვებულები ერთმანეთს შეეჯიბრებიან.

2. რბენა ჯგუფობით

მთელი მოთამაშეები იყოფიან ჯგუფებად, თვითოში 5—10 კაცი თვითეული ჯგუფი გამწკრივდება და ერთმანეთს ხელი-ხელს გაუყრიან. შთანგის მიცემის შემდეგ ეს ჯგუფები გაექანებიან უკვე წინდაწინვე აღნიშნული ადგილებისკენ. გზაში ისინი ცდილობენ ხელები არ გაუშვან.


იმარჯვებს ის ჯგუფი, რომელიც პირველად მოიბრუნებს დანიშნულ ადგილას და მწკრივს არ გასწყვეტს.

ეს თამაშობა შეიძლება ცოტათი შეიცვალოს: ჯგუფი კი არ გამწკრივდება, არამედ ერთმანეთს ამოუდგებიან უკან სიმაღლეზე და ხელებს აწყობენ მოწინავეს მხარზე.

თამაშობის შესრულება ისევე: ეჯიბრებიან დაწვევანზე და, რომ არ გასწყვეტოს კავშირი ჯგუფებში, მეთაურს შეუძლია სირბილის გასაადვილებლად ბიჯებზე თვლა.

3.

1925 წელში ჩვენი კოლექტივის პიონერს მისი დაბადების დღეს შეეკითხნენ, თუ რამდენი წლის იყო, მან უპასუხა: „ჩემი დაბადების წლის ციფრთა ჯამი უდრის ჩემს წლოვანებას“. ჩვენ დავფიქრდით და გამოვიცანით. აბა, სცადეთ თქვენ.



4.


- ავი
- ასამანი
- ვნისი
- იმონი
- ნიკო
- ურა
- აშტი

ხაზების ადგილას დასვით ასოები ისე, რომ მიიღოთ სიტყვები; შემდეგ ეს სიტყვები გადასვით ისე, რომ პირველმა ასოებმა მოგცესთ ერთ-ერთი ჩვენი რევოლუციონერის გვარი.

5.

მოცემულ ფიგურაში უნდა ჩასვთ შემდეგი სიტყვები ჰორიზონტალურ რიგებში: 1. ბოსტნეული. 2. ქალის სახელი. 3. ქვეყნის ნაწილი. 4. კაცის სახელი. 5. მდინარე საქართველოში. 6. ნახევარკუნძული აზიაში. 7. ტუალეტის მოწყობილობა. 8. ბოსტნეული. 9. კულტურული დაწესებულება. 10. ქალაქი დასავლეთ საქართველოში. 11. წელიწადის თვე.

- 12. ქალაქი რუსეთში
- 13. სასმელი.
- 14. სასმელი. 15. გა-
- რეული
- ცხოველი; ჩასვით
- ისე, რომ
- შუა ასოებმა ზევი-
- დან ქვევით
- მოგცეს საქართვე-
- ლოს ერთ-
- ერთი გვირის სახელი
- და გვარი.



გამოვიდა და იყიდა სახალხო გამოსაგანი.

განათლების სახალხო კომისარიატის სოციალური აღზრდის მთავარმართველობის სალიტერატურო-სამხატვრო სექციის რედაქციით:

ფასები:		ფასები	
„ნორჩი ძალა“— კრებული	15 კ.	ციის მორიგი ამოცანები“	15 კ.
„კოკროტინა“ დ. დონდუასი	10 „	„წელთაღრიცხვის ძველი და ახალი წესი“	35 „
„ბელა ბეკეკა“	10 „	„თინიკოს ამოცანები“	45 „
„ტყის სურათები“— შ. მღვიმელის	25 „	„პატარა ჰოლანდიელები“ ლიუსი ფიჩ-პერკინსის	80 „
„ჭიანჭველას საოცარი თავგადასავალი“	30 „	„წითელკანიანები“— ხლებნიკოვის	55 „
„თავისუფალ ბავშთა სიმღერები“	20 „	„ახალი ორთქლმავალის სიმღერა“ — სპრეგ მიტჩელის	25 „
„ქართული მოძრავი თამაშობანი“	80 „	„ჩემი პატარა წიგნი“ ი. გრიშაშვილის და სტაროსელსკის	50 „
„ივანე სულელი“— ლ. ტოლსტოის	15 „	„წითელი ვარსკვლავების მოგზაურობა საოცარ ქვეყანაში“	55 „
„მოძრავი თამაშობანი“ გოგლიჩიძის	1 მ.	„მაღალი მთის და პატარა ნაკადულების ამბავი	30 „
„უძველესი დროის ბავშის თავგადასავალი“	15 „	„გელა და ცქვიტო“— ნ. კეცხოველის	45 „
„როგორ იცავენ თავს ცხოვრებლები მტრისაგან“— გ. ანთელიძის	25 „	„სიზმრად და ცხადად“	30 „
„რას გვიამბობს ოთახი“	20 „	„მზე, მთვარე და ვარსკვლავები“	60 „
„ზღვის სიმდიდრე“	20 „	„ოქტომბრის დღეები“	1 მ. 20 „
„პატარა იაპონელები“— ფერად ყლით	75 „	„ჩემი ყვავილები“— შ. მღვიმელის	40 „
„ჩვენი უფროსი ძმები, ახალგ. კომკავშირელები“	10 „	„ცელქები“— შ. მღვიმელის	30 „
„კომბლე“— სურათებიანი (ხალხური ზღაპარი)	65 „	„პურის მარცვლის თავგადასავალი“	40 „
„ლენინის საათი სკოლაში“	50 „	„აი როგორ ვმუშაობთ“	1 მ.
„ტაიგის საუნჯე“	40 „	„კოჭლი წიწილა“	25 „
„პიონერი სოფლად“	25 „	„უცნაური ამბავი“— ვ. პარკაძის	35 „
„საბავშვო ბალი“	1 მ.	„ხარიტა“ — გუმილევსკის	1 მ.
„მომღერლები“	15 „	„განახლებული დედამიწა“— ჰარვუდის	1—20 „
„ნორჩ პიონერთა თანამგზავრი“	20 „	„სიმღერები“— შავერზაშვილის	80 „
„ნორჩი პიონერები და ბავშთა საერთაშორისო კვირეული“	20 „	„საბავშვო ბალი“ ფერადი სურათებით	1—20 „
„საბავშვო სახლის ცხოვრება“	70 „	„დალუპვის პირად“— სვენ გედინის	25 „
„იყავ მზად“	5 „	„პირველყოფილი ადამიანის ყოფაცხოვრება“— ლუნკევიჩის	30 „
„კომკავშირო, მოამზადე მესამე წყება“	30 „	„საბავშვო ბალი“— წიგნი ფერადი სურათებით“	12 „
„ბავშთა კომუნისტური მოძრაობა“ შ. ტაბიძის	60 „	„პირველი მაისი“ — პირველი მაისის დღესაწაულის ჩასატარებელ მასალათა კრებული	
„საქართველოს პიონერ-ორგანიზა-			

იხედავება და ჩქარა გამოვა.

„სიმღერები“— ნ. შარაბიძე	„ათეული“ — ფერადი სურათებით.
„ვინ არის ყველაზე ძლიერი“— ჭანიშვილი და ძნელაძე	მ. მიქელაძე-ბაგრატიონი
„აბ-აბ, სიამაყე მთებისა“— ე. მარკოვის, მოთხრობა, აფხაზეთის ცხოვრებიდან	„ჩემი მეგობრები და ნაცნობები“ მოთხრობები— ი. ვედოშვილის

გამოვა 1927 წ. გამოვა

თრკვირული საშაწვილთ დასუკათეხული

ჟურნალი

მოზადილთათვის

პიონერი

ვალივალი II

ჟურნალი ს. ს. ს. რ. შველა სკოლავისათვის სავალდებულთა.

ლენინის სანელობის სანქართველთს ბავშთა კომუნისტური ჯგუფების ეოველი წევრის, ორგანიზაციის ეოველი კოლექტივის, ბავშთა კომუნისტური მოძრაობის თვითეული ხელმძღვანელის, ბიბლიოთეკების და სანქეთხველოების ვალდებულე-ბათ გამოიწერონ.

პიონერი

მიიღება ხელის მოწერათ 1927 წლისათვის.

ჟურნალი ღირს გადაგზავნით:

- წელ წადში — 5 მან.
- ექვს თვეს — 3 მან.
- სამ თვეს — 1 მან. 50 კაპ.

სალკე ნომერი — 25 კაპ.

მისაგართი: ტფილისი, რუსთაველის გამზირი № 31, განათლების სანახლხო კომისარიატი. „პიონერი“-ს და „ნაკადული“-ს რედაქცია.

რედაქტორი — სარკელასიო კოლევიკია.